

# ORATIO DE VITA ET RE- BUS GESTIS BERTOLDI,

COGNOMENTO SAPIENTIS, PRINCIPIS HENNEBER-  
gici, qui primus ex gente nobilissima & antiquissima Comitum Hennebergensi-  
um, propter summam cum familiæ nobilitatem, tum eximiarum virtutum digni-  
tatem, & exhibita Sacro Romano Imperio præclara merita, sub HENRICO  
SEPTIMO Lucelburgensi, summum inter Imperij Principes locum consecu-  
tus, solenniter in augustissimo Cæsareæ Maiestatis & Septemvirorum conspectu  
Francofordi ad Menum inauguratur, Anno CHRISTI M. CCCX.

Iulij Mensis quintodecimo, Habita in Illustri  
Gymnasio Hennebergensi,

3

M. WOLFGANGO  
Mollero Rectore.



SENECA IN EPIST. XCIX.

*Verum bonum non moritur: certum est semper-  
namq. Sapientia & virtus. Hoc vnum contingit immortale  
mortalibus.*

DE VITAE R. R.

DE VITAE R. R.



CLARISSIMIS ET INTEGRERRIMIS VIRIS, MVNICIPIORVM HENNEBERGICI PRINCIPATVS, EPARCHIS, Consulibus ac Senatoribus, quibus illustrissimorum antiquissimæ Hennebergicæ Stirpis Heroum, & inter hos Domini BERTOLDI, in laudatissima illa familia PRINCIPIS PRIMI, nominis & rerum gestarum memoria, propter insignia merita, quæ illustris Heros, annis ab hinc ferè trecentis, Maioribus & eorum posteris laudabiliter præstitit, vnà cum posteritate sua perpetuò grata iucundatq; esse debet, precatur salutem & incolumitatem.



ISTORIARVM MONV-  
 menta, tam prophanarum, quam sacrarum nos docent, & ipsa satis superq; testatur experientia, Clarissimi & integerrimi viri, nihil adeò in hoc præsentis vita statu, quamuis splendidum & summum : extra metum periculi et interitus positum esse, vti perpetuitatem sibi quandam policeri queat. Et si autem agmina malorum nostrorum cogitantes, eorum utiq; insignem atrocitatem cernimus, quæ corda non omnino rigida & stupida grauitè percelluntur, & ad eas nonnunquam rediguntur angustias, vt indies illis ingrauescentibus, quò se

vertant, planè non inueniant: Tamen aequioribus  
adhuc animis ferri possunt, quæ priuata vel sin-  
gulis vel aliquibus sæpe eueniunt, & eiusmodi  
sunt, quæ hominum studio laboribusq; temporis  
cursu vel sanentur vel mitigentur. Verùm illa  
mala demum atrociora multò, imò omnium atro-  
cissima sunt, quæ cernimus non paucis tantum,  
sed omnibus simul, eaq; non nobis tantum, sed no-  
stris etiam posteris magnopere formidanda esse.

Inter hac autem luctuosissimum esse nunc,  
quod anni huius initio omnibus Hennebergensis  
territorii incolis accidit, ex interitu laudatissimi  
Principis nostri, Domini GEORGII ER-  
NESTI, beatæ memoriæ, non solum agnoscimus,  
sed fusis etiam lachrymis testamur. Amissimus  
enim non Principem tantum, sed etiam Patrem  
Reipublicæ, Ecclesiarum & Scholarum optimè  
& benignissimè affectum, & quidem illum, qui  
concidens unica spes & columna Præsapie suæ,  
ruinam totius Illustrissimi stemmatis tristissi-  
mam attulit.

Ante

Ante annos ducentos sexaginta quinq<sup>3</sup>, gens  
Brandenburgica similem vidit interitum familiae  
Marchionum è stirpe Alberti Ursi, mortuo Vuol-  
demaro Brandenburgensi Marchione. Vidit eti-  
am Carinthia suorum Ducum fatalem periodum,  
idq<sup>3</sup> eodem tempore, quo BERTOLDVS  
Princeps Hennebergensis totius Romani Imperii  
oculus & decus, non tantum Principatum Hen-  
nebergensem possedit florentissimum & amplissi-  
mum: sed habuit suae etiam familiae & sanguinis  
Heròas multos & generosissimos.

Tantum Heroum tam breui tempore, fatali  
lege quadam totam intercidisse Prosapiam, tri-  
stissimum est, & calamitosissimum accidit, tan-  
toq<sup>3</sup> calamitosius indices futurum, quanto nobis  
optandum magis, quàm reuocandum erit, quod  
nunc (proh dolor) amissimus bonum, quo frui tot  
seculis maioribus nostris: nobis autem tam breui  
concessum, posteris prorsus ademptum fuit.

Ceterum quæ annos ante trecentos ferme  
HENnebergensium Heroum, dignitate primus

Princeps, & alioquin etiam virtute rebusq; gestis, facile Princeps, suae ditionis locis omnibus, & toti praestiterit Imperio, in orationis forma, quantamaxima potui breuitate complexus sum, adiutus monumentis non putidis, sed quae in archiuis Hennebergensibus reseruantur, diplomatis fide dignissimis, quorum inspectionem cum Magnus & Clarissimus vir, M. MICHAEL STRVTHIO, Cancellarius Hennebergensis, fautor & patronus meus eximius, ceteriq; Illustrissimi Principis GEORGII ERNESTI, politici consilarii concessissent, in illis sanè, quae ad institutum meum facere arbitrabantur: & quae inde collegeram, nuper eisdem inspicienda iudicandaq; misissem: autores fuerunt, ut eam orationem hoc miserando statu nostro, una cum altera de obitu Illustriss. PRINCIPIS GEORGII ERNESTI, ex BERTOLDO posteritate postremi, publicarem, quorum me grauisima autoritas mouit, ut in eo pro eo ac debui, morigerum me praberem.

Cur autem hoc mihi sumserim, Clarissimi &  
Inte-

Integerrimi viri, ut vobis dedicarem illam de  
BERTOLDO orationem: impulerunt me pia  
& honesta causse.

Præcipua autem est, ut quantus Heros  
BERTOLDVS fuerit, quæ item & quanta  
Hennebergensibus incolis, maioribus nostris bene-  
ficia tribuerit, notatis quibusdam accuratè cir-  
cumstantiis nunc viuētibus posteris constare que-  
at: ne prorsus inter illos tantorum Heroum eo-  
rumq; meritorum tum erga Rempublicam, tum  
priuatos singulos maxime insignium, & nomen  
& memoria intercidat. Nemo nostrum nouit,  
inquit Seneca, libro tertio de beneficiis, nisi id tem-  
pus, quodcum maxime transit, ad præterita rari-  
mimum retorquent.

Alteram autem, de GEORGIO ER-  
NESTO Principe, liberis & Scholarum ve-  
rarum alumniis donatam volumus: idq; eo po-  
tissimum, quodcum GEORGIVS ERNE-  
STVS PRINCEPS, laudatissima memo-  
ria, in Scholas suæ ditionis, constituta hic SILV-  
IÆ, quam vocant, communitate, æternum  
contu-




contulerit beneficium: laudis etiam sua nunquam  
intermoriturā memoriam, Euergetes Princeps,  
inter beneficiarios retineret, subinde ad illos reno-  
uandam & repetendam, quotiescunq; de consti-  
tutione Illustris Schola huius necessaria disputati-  
onum & declamationum exercitia habebuntur.

ROgo aeternum Patrem Saluatoris nostri,  
ut autor omnis ordinis, suum ordinem etiam, Po-  
liticum Magistratum, gubernet & protegat: Im-  
primis autem Illustrissimos Principes, D. AV-  
GVSTVM Electorem, D. FRIDERI-  
CVM VVILHELMVM, D. IOHAN-  
NEM, ambos fratres germanos, Duces Saxo-  
nia, Dominos nostros clementissimos, qui lauda-  
tissimi Principis & dilectissimi patrie patris no-  
stri GEORGII ERNESTI personam, in-  
tercedente confederationis & legitima succeſſio-  
nis iure, optatissime & clementissime represen-  
tant: Deinde etiam inestissimam Viduam, Illu-  
strissimam Principem & clementissimam Do-  
minam nostram, omnipotenti manu, contra va-  
rios casus & pericula defendat ac conseruet.



Vos etiam, & omnes subiectos, totamq<sup>3</sup> municipiorum vestrorum gubernationem, tum in Scholis, tum Ecclesiis & politia bonitatis suæ donis immensis & infinitis accumulet, ut in pace optatissima & felicissima, & floreat pii Magistratus nostri, & pareant subiecti debita semper obseruantia ac reuerentia, Amen. Data Silusiæ die 24. Ianuarii, quo ante annos viginti quinq<sup>3</sup>, insignis Heros et Princeps VVILHELMVS, GEORGII ERNESTI PARENS, cuius æterna inter viuentes vigeat memoria, ex hac vita in æternam illam, manè inter octauam & nonam, feliciter euocatus discessit. Anno CHRISTI 1584

M. VVolfgangus Moller  
Rector.



## O R A T I O.



NTIQUISSIMVS POETARVM HOMERUS, Agamemnonem Regem suum optasse scribit, non Achillis aut Aiæcis, fortissimorum Heroum similes decem, quorum animositate res gereret insignes & maximas: sed eiusmodi potius sibi decem contingere *συνφρονες*, & prudentes consiliarios, qualis Nestor erat, ætate grauis, & iudicio pollentissimus Orator, nec minus ei militaris studio exercitatus Princeps, cuius prudentia ac virtute exercitum vniuersum, non modò salutariter regi, sed res quoq; memorabiles suscipi, Troiamq; breui tempore diripi posse persuasum haberet.

Hæc à sapientissimo Poëta non temerè dici certum est, ostendit enim, in omni Imperij sublimitate, & constituenda & tuenda, non tam fortitudinem, quàm prudentiam, quæ virtutum Princeps, & oculus mentis rerumq; gerendarum rectrix est, imprimis requirit.

Cæterum hanc ipsam virtutem, cum omnibus ordinibus, & partibus vitæ decus asferre eximium: tum summis Principibus, sublimitatem dignitatemq; conciliare, & magis atq; magis augere, cumulatoremq; reddere, non est dubium. Quò enim viri Heroici maiorem sui ordinis tenent ac tueri debent sublimitatem: tantò magis ad eam conseruandam illos liuius gubernatricis præsidio indigere, quis est omnium, qui dubitet? Quid regna? quid imperia? quid templa? quid curia? quid vitæ totius societas? quæ deniq; dignitas est nostræ? nisi prouida gubernet hæc omnia, dux & moderatrix Virtus omnium excellentissima, quæ gratiam, quæ fauorem, quæ auctoritatem & diuitias, non modo conciliat & acquirit possessoribus suis: sed eosdém etiam in potentissimorum Principum augustissimis conuentibus, in theatra producit orbi spectandos vniuerso. Deoq; quàm similes efficit. Exempla proponeremus, quæ passim nobis historia suppeditant, si opus foret, insignia: verum relictis quæ foris sunt, saltem ex domesticis, quibus abundamus, vno quod multorum instar est, contenti sumus, BERTOLDI videlicet, Principis Hennebergici, cui propter excellentem virtutem, prudentiam & fidem laudabiliter Romano præstitam Imperio, noua dignitate ornato, locum inter Imperij Prin-

Principes tribuit optimus & laudatissimus Imperator, Henricus Septimus, datis autoritate Cæsarea priuilegijs & diplomatibus, tum ab Henrico, tum eius successore Ludouico Bauaro, magno Electorum consensu comprobatis, subscriptis, confirmatis.

Hunc vobis BERTOLDVM, eiusq; vitæ gesta, maximè verò virtutes, Francofordi in celeberrimo frequentissimoq; ordinum Imperij conuentu, tori theatro propositas exemplo luculentissimo, nunc rursus in theatrum producemus. Vos confido, me de tanto Principe verba facientem, tum propter materiæ nouæ dignitatem, tum rerum iucunditatem atq; etiam vtilitatem, qua nostra, vt arbitramur, non est caritura nunc oratio, haud grauarim audituros.

Erli autem Demosthenicæ orationis maiestate, & Pericleæ Eloquentiæ grauitate, styloq; virtutes tanri Herois celebrari dignum erat, vt summi oratores illi tantò maiorem in studio virtutum nobis BERTOLDVM describerent, quantò magis laude præstiterunt Eloquentiæ: tamen æquum non esse videtur, eum, cuius virtutem laudemq; pro dignitate, orationis vbertate & splendore, satis prædicare & celebrare nequeas, prorsus silentio præterire, quod Xenophontem etiam sensisse, ex oratione illius de laudibus Agésilai Lacedæmoniorum Regis, cognoscimus. Vsurpamus igitur cum Flauio Vopisco in Probi Imperatoris vita illud: Non facultatem nunc ego eloquentiæ polliceor: sed res gestas, quas silentio præterire non possum.

Adhæc etiam nihilo magis ab instituto, dicendiq; consuetudine, in hoc etiam genere nos deterreri patiemur, quàm à commendatione cum aliarum virtutum, tum verò imprimis prudentiæ, & sapientiæ, iudicii & acrimoniæ cuiusdam, & dexteritatis singularis, quæ dona cumulatissima in BERTOLDO, non gentem solum & familiam Hennebergicam in fastigium summi honoris euexisse, sed summa animi moderatione & modestia, in Romani Imperij Marte togæq; rerum gerendarum gubernationem collata, summis Imperatoribus, Regibus, populis, imò toti orbi profuisse: planum vobis deinceps argumentis faciam luculentissimis.

Et quanquam nobis præter illa, quæ in archiuis Hennebergenfibus Cæsareæ Maiestatis diplomata referuantur, alicubi pauca admodum in historijs occurrunt, vt de BERTOLDO rectè videar affirmare posse, quod de Probo Romanæ historiæ, cum quondam rerum gestarum magnitudine notum ad sidera vsq; postea temporis iniuria, scriptorumq;

inopia penè ignoratum fuisse, ideoq; difficilior, virtutem & gloriose olim res gestas BERTOLDI, pro illius dignitate personæ, forma disertæ orationis completi: Tamen quæ reperiuntur, *παῖρα μὲν αὐτὰς ἐγὼ νημερτέως ταῦτα ἐνισπῶ*, vt Homeri verba parum immutata vsurpem, ex monumentis & Historicis fide dignis deprompta, qua possum breuitate & perspicuitate orationis, pro tenuitate ingenij & virium mearum, explicare conabor.

Xenophon se dicit vltro vituperaturum & execraturum esse, si quicquam à veritate suisq; laude Principis alienum protulisse deprehendatur. Quod vt ego recusem, aut grauer facere, tantum abest, vt ab eruditis & prudentibus nihil habeam, quod flagitem magis, aut petam impensius, quàm candidè moneri, si quid vel absurdius, vel alienius, quàm quod rebus & instituto nostro conueniens sit, deprehenderint.

Periclem sanè ex Plutarcho nouimus, priusquam orsus esset orationem, vota facere solitum esse, ne verbum quidem vllum incideret, quod à rebus ipsis videri posset alienius: *ἔνχριστο πρὸ τῆ δεικνυμένης, μηδὲ ξήμας, μηδὲν ἀλλοτρίον ἢ πηγυμάτωρ ἐπιθεῖν αὐτῷ*.

Cæterum, si quis amori me indulgentem, vel cuiusquam dantem auribus aliquid, ambitiosius alias celebrare laudes existimet: hunc primum, si bonus est & *φιλαλήθης*, mecum lustrasse contemplatumq; esse velim, quibus rerum testimonijs ea quæ dicemus, & quanta autoritate reperiantur, attestata comprobataq; monumentis diplomatum, quibus fidem derogare velle, nefas esset, & hominis laud sana mente præditi: Deinde Pindaricum illud prouerbium ad animum sibi proponere: *ἴσω γὰρ ἐν τῷ πᾶσι δαμόνοιο πόδ' ἔχω*. Quisquis enim vel obiter inspexerit, fatebitur vltro, non nostras tantummodò laudes, sed multo maiores in BERTOLDVM competere, Principem vel omnibus elogijs maiorem.

Doleo igitur vires mihi ingenij denegatas esse eas, quibus ne dicam, pro dignitate personæ, præstantiaq; eminentissimarum virtutum BERTOLDI: sed pro testificatione duntaxat veritatis, gratæq; mentis, ac subiectissimæ voluntatis meæ declaratione, nùm in BERTOLDVM, de gente & posteris suis Principem optimè meritum, nùm Illustrissimum Principem GEORGIVM ERNESTVM, patrem patriæ, Dominum nostrum, clementissimum, vestris auribus & loco hoc dignum aliquid

quid, in medium afferre possim. Quem enim suo se metientem modulo, atq; illud, quod non est, respicientem, vt Poeta loquitur, gnome illa, quam multorum veterum monimentis ac literis celebratam constat, non deterreat? Omnes omnium virtutes tantas esse, quantas videri eas voluerint eorum ingenia, qui vnus cuiusq; facta, laudesq; describendas suscep-  
erint: Ego verò deteritum me, repressumq; fuisse, eò magis fateor, quò minus ingenij vires ad laudum vllarum, nedum Principum, & summorum virorum descriptionem, idoneas aut sufficientes, nec reperio in me, nec esse glorior.

Veruntamen, vtut; hæc sunt, & alij iudicant, certè duo sunt, quæ iam dudum me animant, & apud candidos & bonos viros facile excusabunt: Vnum est, consuetudo proponendi in publicis congressibus Scholasticis variarum materiarum argumenta, tractata pro viribus cuiuslibet, quæ sanè semper visa est omnibus eruditis longè vtilissima. Deinde, gratitudo & memoria cum omnibus, tum verò maxime illis debita, à quibus maximis prouocati beneficijs, indies cumulamur, quorum prosectò Dij sunt, & Magistratus Djs officij dignitate in his terris, vel ipso teste Spiritu sancto, proximi. His rationibus omnia, quæ nobis ob stare videbantur, posthabentes, ad id quod est instituti nostri, deinceps accedimus.

**BERTOLDVS PRINCEPS**, natus est patre eiusdem nominis Comite Hennebergensi, anno Christi, supra millesimum, ducentessimum, septuagesimo secundo, matre **SOPHIA**, ex familia Comitum Suarceburgensium.

**BERTOLDVS** autem parens, vt hoc prius dicam, is est, qui post obitum Henrici patris, cum duobus fratribus, Henrico & Hermanno, anno millesimo, ducentesimo, septuagesimo quarto, hæreditariæ & paternæ ditæ bonæ fundosq; partiti, ex diuisione arcem obtinuit auitam & antiquam illam Hennebergam, cuius adhuc hodie cernuntur vestigia & *ἑστία*, quædam, in amœnissimæ Ditæ Hennebergicæ quasi medietullo. Cessit eidem Silusia, locus non solum præ cæteris illustrior, situs opportunitate commodior, purioris temperie aëris salubrior, & opatior: Verum etiam sincerioris doctrinæ, de filio Dei, propagatione, Musarumq; hospicio, quibus fouendis singularis huic loco genus esse innatus videtur, Dei benignitate, multò tum exoptatior, tum fortunatior.

**HENRICO** autem ex partitione obtigit arx Henneberga, cum vicinis locis prope Rômheltum, Franciæ oppidum haud obscurum, suorum vel nomine vetustatem referens, postea verò, propter sedem illustrium Comitum Hennebergenfium eò translata, & templum à posteris Henrici, vnà cum arce, pro eius conditione loci, satis magnificè extructum, factum clarius. Hic, à loco iam pridem occupato, Domini Hartenbergici titulum sibi, suisq; posteris vsurpandum sumsit, quemadmodum Hermanno fratri eius à loco Aschach recens lege diuisionis acquisito, sibi suorumq; posteritati, inscriptione Dominorum in Aschach, qui nunc est locus diæcesis VVirczburgicæ, titulum augeri insigniriq; placuit.

Circa idem ferè tempus, quo patriam diuiserunt ditionem Hennebergici Comites, inierunt quoq; paternæ ditionis partitionem, tres filij Alberti, cognomento Magni, Ducis Brunsvicensis, Henricus, Albertus & VVilhelmus: & ista partitio in hunc vsq; diem durat, facta videlicet, post mille, ducentos, ad annum Christi nonum & septuagesimum.

Porro **BERTOLDVS** Pater, Magnanimus Heros & bellator, post commissam illam atrocissimam in Vesperis Siculis lanienam, Carolo Siciliæ Regi exercitum contra autores horrendæ creurgicæ cogenti, cum alijs ex Francica nobilitate sese adiuncturus, in Galliæ Narbonensis vrbe Monte Pessulano, diem clausit extremum, anno Christi, millesimo, ducentesimo, octuagesimo quarto, die decimo tertio Februarij, eius ossa **BERTOLDI** filij pietate, postea **VEZERAM** in cænobium vicinum translata, vtroq; **BERTOLDO**, fratribus, iusta soluentibus, terræ mandabantur.

**SOPHIA** mater, biennio antè viuus exempta, ibidem sepulta fuit, fœmina nihilò magis familiæ, quàm virtutis splendore, laudatissima, religionis & fidei studiosissima, filia Henrici Comititis Suuarceburgensis, qui comitij Erphordicæ à Rodolpho Habspurgenfi, anno Christi millesimo, ducentesimo, nonagesimo primo, coactis, interfuit.

Estq; hic Henricus, **BERTOLDI** Socer, Auus Guntheri Suuarceburgici, egregij bellatoris illius, quem in campis Francofordiæ, præcipui Imperij Electores ac Principes, extincto Ludouico Bauaro, contra quem viuum adhuc nonnulli Principes, corrupti largitionibus, & rebel-

les es-



res efferrantes animos, Carolum Quartum obtruserant, propter virtutem & robur animi, resq; sub Ludouico Bauaro, laudabiliter & præclare gestas, legitimum Imperatorem & Regem Romanorum crearunt, anno Christi millesimo, trecentesimo, quadragesimo nono, secunda Februarii, loco, vt diximus, vsitato ac debito.

Porro autem, ambos filios, quos *δμωνυμῶν* parentibus placuerat, statim à teneris in artium & Christianæ religionis studio, magna piorum & optimorum parentum cura, rectè fideliterq; eruditos, ac educatos fuisse, res ipsa comprobat, adeò quidem, vt de eo non magis relinquatur dubium, quàm de fundamento alicuius ædificij bene posito, quod quantò firmitus illud est iactum, & stabilitum: tanto hoc videas, omnem vim ventorum ac tempestates etiam sæuissimas, sustinere fortius. Est enim verè, iuxta Diotogenis Pythagoræi sententiam, totius Reipub. stabilimentum firmissimum, ac diuturnum, honesta personarum illustrium educatio, eamq; eò minus negligunt boni parentes, quò magis vim eius intelligunt, & cum sapientissimo Philosopho iudicant, naturam etiam ipsam, alioquin generosissimam, nisi adiuuetur, & excolatur liberaliore disciplina, insufficienciam esse.

Fuit autem in BERTOLDO, non solum pueritiæ ætas florida, amabilis, & integra, inq; corpore robur validum, vigorq; habilis, & vires ad res gerendas firmæ, solidæ, ac fortiter aduersus difficultates obstitentes: verum etiam tanta vis, tantaq; generosissimæ Indolis præstantia, tanta etiam in puero, nec dum maturo, ingenij celeritas, inq; percipiendis doctrinis, & literarum studijs, mirifica quædam, & incredibilis memoriæ promptitudo, tanta cum summa morum suauitate coniuncta humanitas, sapientiæ deniq; & omnium virtutum, tam præclara & admiranda simulara, vt in adolescente nihil non sublime, & plenum grauitatis, ac maiestatis aliquid spirare cerneret, verè vt de Cyro Xenophon scribit: *ἔδ' ὅ μιν καλῶς, ψυχῶν ὅτι λανθροπράτω καὶ φιλοτιμοπράτω, ὥς πο πάντα μὴ πόνον ἀνατλῆσαι, πάντα δὲ κίνησιν ἰπομῖναι τοὶ ἐπαινεῖσθαι ἐπεκδ.*

Tanta naturæ bonitas, beneficio & diligentia liberalioris disciplinæ, ac educationis adiuta, quos quæso temporis progressu fructus non proferret, robustiore iam ætate? præsertim, vbi *φιλόσοφοι* filij, parentumq; suorum statim à primis annis extiterint veneratores, Quam virtu-

tem

tem quidem in adolescente BERTOLDO fuisse singularem, vitæ uniuersæ secuta felicitas, & rerum prosperi successus omnium, euincunt & commonstrant, tam planè, quàm planè certoq; sibi verbi diuini constat promissio, filijs in hac etiam vita desinans pietatis erga parentes præmia, cum alia, tum vitæ longæuitatem, & euentus actionum prosperos, & salutare, quos quàm speratos, optatosq; sortitus sit in vita sua BERTOLDVS, efficiam vt postea cognoscatis manifestissimè.

Obsecutus ergo pijs parentum præceptis, & quæ eius non solum erga parentes & præceptores obseruantia, sed & discendi cupiditas fuit, summo animi feruore literarum studio deditus, ἐφ' ἅλλῃ BERTOLDVS, maturos exhibuit fructus, & præter ætatem preciosos & augustos, tum doctrinæ, tum prudentiæ, vt omnes æquales antecelleret, καὶ εἰς τὸ ταχὺ μαθητὰν ἔσθῃ. Ὁ εἰς τὸ καλῶς καὶ ἀνδρείως ἔκαστα ποιεῖν. Neq; sanè mirum adeò. Quemadmodum enim experientia teste discimus, vitem aut plantam firmitatem in loco fertili, si diligens agricolæ cultura accedat, maturos etiam ante ineuntem autumnum proferre fructus, cum alias demum sub autumnum fructus suos ostentare videas: Sic naturalem boni ingenij indolem & sagacitatem, cura & diligentia fidelis educationis adiutam, eos prudentiæ fructus, ætate adhuc tenera, proferre videmus, quos ab alijs iam adultis & senescentibus, vix tandem editos experimur.

Cœpit igitur magna se virtus cum omnium admiratione, statim in puerilibus & adolescentiæ BERTOLDI annis exerere, quæ mox in Regum ac Principum aulis, totoq; passim imperio, magnis laudibus & faustis rumoribus inclaruit, tamq; honesta de eo in animis hominum, etiam optimorum quorumq;, insedit & mansit opinio, cum de cæteris in illo heroicis virtutibus, tum verò maximè sublimi eius & propè incredibili prudentia ac sapientia, vt sui seculi homines cognomento SAPIENTIS dignati eum cohonestarent, quem hoc nomine, non solum omnes, tum summi tum infimi ordinis homines celebrantes, διὰ σώματος ἔχον καὶ ἐν λόγῳ ὁ ἐν ᾧ αἶς: Sed fama etiam ipsa, vsq; ad cælos efferebat, indies facta plenior & confirmatior, comprobantibus virtutum encomia testimonijs fide dignissimorum hominum, factoque ipso, doctrina videlicet & eruditione, cuius laudem tantò magis ab ipsa statim prima appetebat ætate, quantò virtus in eo fuit sublimior, & natura præstantior.

Quare literis ingenium eius, per se suamq; natura sagax, perspicax, & acutum,

acutum, multò redditum fuit sagacius, perspicacius, & acutius, quodq; natura veluti *μονόσομος*, & vna duntaxat acie præditum fuit, literis expolitum factum fuit *ἀμφίσομος*, *ἀμφήκης*, & vt Platonis ex 7. de Repub. verbo vtar, maximè *σωποπτικός*, vt gemina mentis acie, res & negotia, variosq; casus dispiceret, & dijudicaret, idq; prudentius, & sapientius, face literarum, in rebus Imperij decernendis, prælucente, *Διπλῆ γὰρ ὁρῶσιν οἱ μαθόντες γράμματα*, vt inquit Menander. Et Plutarchus in commentario, qui inscribitur *πρὸς ἡγεμόνα ἀπαίδευτον*, inquit: In ciuitatibus iustitiæ lumen gignit in bono Principe doctrina, è Philosophiâ proficiscens. Ac veteres & scripsisse & docuisse testatur ibidem Plutarchus: absq; iustitia principatum gerere, ne Ionem quidem ipsum posse. Et Chion Philosophus, ad Matridem epistola scribit: Certum est, homines non aliunde temperantiam & iustitiam, quam ex Philosophiæ fontibus, haurire.

Sed hæcenus instituta pueritiæ, & adolescentiæ annorum BERTOLDI, breuiter attigimus: nunc cætera: nisi quod antequam in solium Domini cum collocemus paterni, & administrationis capessentem habenas describamus: vobis ex Romana depromptum historia, ad animum proponendum recenseo, illud, quod vitam Probi verè probi Imperatoris describens Historicus his refert verbis: certum est, neminem vnquam ad uirtutis sublimitatem peruenisse maturum, nisi qui puer, seminario virtutum generosiore concretus, aliquid inclitum designauerit.

Postquàm iam præclaris naturæ, ingenijq; bonis instructus BERTOLDVS, post patris BERTOLDI obitum, fratre sacris initiato Iohannitarum ordinis, solus administrationem feliciter suscepisset, anno CHRISTI, supra millesimum, ducentesium, octuagesimo quârto, constitutus iam in conspicuo dominationis & honoris gradu, voluit & pueratis, & posteritatis propagandæ studio, legitimo sibi iungi matrimonio coniugem, duxitq; ADELHEIDAM Henrici Halsiæ Landgrauij filiam, SANCTAE ELISABETHÆ proneptem, ex eaq; spem gentis, quatuor suscepit filios, & in his IOHANNEM, nouæ dignitatis & sanguinis paterni propagatorem, vt postea dicemus.

Porro, vt suum decus officiumq; tueretur maiore autoritate, & grauitate, iam annis maturior, non desit pulcherrimis virtutibus semper adere

dere studium doctrinarum: Vt non modò confirmaret omnium de se opinionem honestissimam: sed magis magisq; vnà cum aetate, meritis, & virtute cumulatiùs augetet: quamobrem, ne vnum quidem diem sponte sua præterire passus est, quin se vel literarum vel armorum exercitio instructiorem, magisq; confirmatum vellet. Et quemadmodum multis suorum æqualium, virtute palmam præripuit: ita laudem quoq; doctrinæ, rerumq; multarum peritiæ, consecutus, magnam quidem initio dominationis suæ, sed paulatim splendidiorem, maioremq; vsu comparans, summam quoad vixit, obtinuit.

Vtq; nihil dicam de priuatis eius virtutibus & moribus, qui cuiusmodi fuerint postea breuiter ostendemus: Certè in tota gubernatione, summam eius & prudentiam, & fortitudinem cognoscimus, quibus præminens, euectus est ad summos honores, vt superaret non æquales tantum, sed inter præcipuos & summos, summis & optimis quibusq; partim annumeraretur, partim præferretur.

Cum autem hæc duo, prudentia scilicet, sine qua nullius etiã virtutis est utilitas, vt docent Philosophi: Deinde fortitudo, quæ si est exers prudentiæ, sua vel mole ruit, nec virtus iudicanda est: cum, inquam, ambæ virtutes, in BERTOLDO coniunctæ simul, & laudatissimæ essent, & vtramq; commendaret, non tam maiestas personæ BERTOLDI, quam oratio viri, & plus quam mellita facundia, erat enim ευπρεπής ἡ δ' ὑπερωδὴς BERTOLD V.S. οὗ κ' ἀπὸ γλώσσης μέλιτ' ὃ γλυκίωμα ῥέειρ ἀυδ' ἡ, vt de Nestoriana eloquentia scribit Homerus: Tantæ igitur, cum essent, & eminent in BERTOLDO, virtutes illæ, adeo quidem, vt versas de eo perhiberi potuisset:

ὄϊ' ὃ ἐκέν' ὃ ἦν βαλόντων ἡδὲ μάχεσθ' :

à sui seculi Principibus, cum cæteris, quicquid amicitiam & officia in tam præclara virtutis, & ingenij existimatione, magnis præmijs, vt postea dicemus, cæratim expetebant: tum verò ab Imperatore Alberto, Rodolphi Habsburgensis filio, magno in precio habitus, anno nullè simo, trecentesimo quarto, Norinbergam, vbi antiquo more prima comitia celebrabat Imperator, euocatus, inter numerum ascitus consiliariorum Imperatoris Maiestatis, continuo præfisse iubetur magnis negotijs Imperij, quæ tanta cum laude & sapienter adeò administrauit, vt dignitatem Principis, quam solenniter tribuit & confirmauit postea, Henricus Lucelburgensis, prome-

promeruisse visus esset, non tam Imperatoris autoritate, quàm vira suffragante, & moribus, vt de Imperatore S E V E R O dicebatur, summisq; meritis ipsius, quæ regia diplomata, viuo etiam dum Alberto, BERTOLDVM Imperio contulisse testantur, vt docebimus euidentibus, quæ mox proferemus, exemplis.

ALBERTVM subsecutus HENRICVS SEPTIMVS Imperator, armis strenuus, religione præcipuus, iustitia prudentiaq; præstantissimus, vt omnes pariter Historici, præcipue autem Petrarcha, de co restatur: luc enim visum prudentem, iustum, honestum, catholicum, dilectum omnibus, nunquam clarum prosperitate, nunquam deiectum aduersitate, Henricum celebrat. Hic tantus Imperator, BERTOLDVM consilijs adhibiturum prudentissimum & fidelissimum expertus, semper vnice dilexit, nec tantum iustauratis confirmatisq; omnibus priuilegijs, prius à Friderico Secundo Maioribus BERTOLDO traditis, inq; foudinas argenti & auri, salisq; fabricas, itemq; Vvasingensem arcem & oppidum, ab ALBERTO collatis, BERTOLDI ditionem cumulatam ditauit, beauit, ornauit: atq; adeo ipsum etiam BERTOLDVM Suthinfordi Imperij constituit vicarium, quotannis bis mille marcas argenti laborum & virtutis præmium destinans, eodemq; in oppido *τοπικὴν αὐτῶν*, extruendæ Imperij sumptibus arcis potestate permissa, confirmat: sed etiam, quod omnium est maximum, vt intuens se BERTOLDVS, eiusq; posterum, augustissima ac æterna summæ virtutis ornamenta contemplarentur, nec porro vnquam desisterent, tum Imperio, virtute, meritisq; tum sibi ipsis ornamento esse: agnoscens Imperator, summum se BERTOLDO debere beneficium & honorem: cum propter admirandæ, incredibilis, & diuinæ cuiusdam sapientiæ laudem, ac grauissima toti præstata Imperio merita, summamq; fidem, ad amplissimi honoris, & summæ dignitatis, in Romano Imperio fastigium euexit, Francofordi ad Menum, vbi Heros faustis omnium acclamationibus, anno millesimo, trecentesimo, decimo. Iulij Mensis quintodecimo, in conspectum Cæsareæ Maiestatis, & ordinum Imperij productus, Princeps est solenniter pronunciatum, tanto cum suo suæq; gentis honore, vt nihil aut temporis iniuria, aut inuidorum calumnia, aut sceleratorum fraudibus, de eo imminui vnquam possit.

Cæterum HENRICVS BERTOLDI consuetudine mirum in modum delectatus fuit, & tantum quidem, vt non solum omnium

consiliorum suorum participem, & intimum haberet: sed rebus quoq; gerendis, socium adiungeret perpetuum & tanquam oculum, non tam corporis, quàm mentis, in maximis rebus Imperij perspicacissimum & acutissimum, adhiberet.

Quare post inaugurationem BERTOLDI, & quidem eodem anno Mediolani coronatus Imperator, BERTOLDVM comitem habuit in Italiam vsq; cuius consilio contra hostes vsus, multa salutari-ter & præclare gessit, pacata Alemanniæ discordia, vt Cuspinianus ait, repressistq; in Italia factiosis & hostibus suis, terram sanctam etiam recuperatus, nisi morte violenta, porrecto nefarie in pane Eucharistiæ veneno, cum magna quidem Christianitatis, vt idem loquitur Historicus, iactura, sublatus fuisset, vt rectè & verè Ludouicus Bauarus, successor Henrici, reuersus olim ex Italia, dixerit: Germanorum Cæsares multos veneno, paucos ense ex Italia abactos.

Sed & Ludouico non minus clarus, imò charissimus fuit, Imperatori iusto, magnanimo, imprimis etiam modesto, nec vlla intumescenti prosperitate, prouido, sagaci. Is enim quamprimum Imperij cepisset habenas, BERTOLDVM sibi delegit oratorem & prudentem consiliarium, vtpote in Imperij negotijs exercitatissimum & oculatissimum, cuius in magnis Imperij difficultatibus, tanquam sapientissimi Nestoris vsus consilio, fortiter & modeste sustinuit vim & immanitatem, cum aliorum hostium, tum imprimis Pontificiorum, quorum grauissimis iritatus contumelijs, non tamen hoc egit, vt bellum magis ipse inferret, quàm inferrentium arma fortiter depelleret, qua in re domi militatq; consilium suum fidemq; BERTOLDVS Imperatori fideliter præstitit.

Summa inter eos, non quidem vt Imperatorem & Principem, sed vt inter Principem & Principem, fuit animorum, summa affinitatis coniunctio. Regis erga BERTOLDVM summa propensio: rursus BERTOLDI erga Regem & Imperatorem fides, constantia, obseruantia & merita tanta, quæ regiam munificentiam, & liberalitatem promerabantur, quod vel ipsi regijs diplomatibus abundè & prolixè comprobatur.

Scribit AELius Lampridius, inter cæteros Alexandri Seueri Consiliarios, fuisse Quintilium Marcellum, nec illo meliorem recensere historias:

Ita.



Ira dixerim inter consiliarios Ludouici, nullum BERTOLDO Principe referri digniorem, nullum meliorem, quo, vnâ cum alijs autoritate consilioq̃ pollutissimis viris, adscito, quid malè Ludouicus facere potuit, quem omnes pariter ad optima, Duce BERTOLDO, cohortabantur?

Sed age specimen meritorum, inquis, quæ tanta præstitit BERTOLDVS, exhibeatur? Ego verò exhibeo, & facere mihi animus gestit, vt appareat, non ex Iouis diphthera, quod dicitur, sed historiarum monumentis, ac literis regio signo sanctis petita, fiatq̃ planum: quantum bellica simul & rogata virtute, BERTOLDVS valuerit, συμφράδμων τ' ἀγαθὸς κρατέσθς τ' ἀρχμῆς: vtor igitur illo Lucretiano pãssim obuio: dictis dabit ipsa fidem res.

ALBERTVS Imperator, cum primum BERTOLDI Principis in obeundis Imperij negocijs, tũ dexteritatem, tũ fidem, fama vel ipsa maiorem cognouisset, eamq̃ magis atq̃ magis increbrescentem: Nam verè apud Pindarum dicitur: τιμῶν τις δ' ἀρετὰς ἐσ φανεράν ὀδὸν ἔρχονται. τεκμαίρεθ δὲ ῥημάϊκας: sublimioribus BERTOLDVM præficiendum esse ratus, Administratorem delegit in Misnia, anno, supra mille trecentos, quinto, eorum quidem locorum, quibus ex transactione nuper cesserat VVenceslaus Boëmiæ Rex, relictis illis Alberto Imperatori: Causis illius cognitioni, & dijudicationi, intercesserant arbitri, BERTOLDVS Princeps & PETRVS, tunc temporis Episcopus Basiliensis. Vtq̃ huius expediendi negocij difficultas, prudentiam ac moderationem requirebat maximam: ira satis opportunè, eidem ipsi componendo, BERTOLDVS & PETRVS adhibebantur, reliquorum tum sapientissimi, tum expeditissimi, quorum vterq̃, τὸ μῆλινες καὶ ὁμόθυμοι, nec ingenijs admodum erant dissimiles: ita communicatio consiliorum virtusq̃, cum in cæteris, tũ in hac controuersia, inter Boëmiæ Regem & Albertum, felicissima fuit: Paulò post, vterq̃ etiam honores consecutus est virtute duce, comite fortuna, amplissimos: noster quidem, vt ad Principis dignitatem: PETRVS verò ad Electoris & Archiepiscopi Moguntini sublimitatem, eucheretur. Entyrociniũ BERTOLDI, vnde non aliter ac, vt dicitur, ex vnguibus Leonem cognoscimus, quantus in cæteris fuerit: Nam ἀρχὴ τῶν ἀνδρῶν δ' εἰκνυσιν.

Cæterum ad alia priusquam descendimus, ad PETRVM quædam pertinentia, καὶ τὰυτὰ μὲν οὕτως ἀποσδιόγουμεν, vt arbitramur, asperserimus: videmur enim, huius mentione, BERTOLDI quoque manibus gratificaturi: Quid enim hunc in commemoratione rerum illius, oratio prætereat? quibus viuentibus, σώματα μὲν δ' οὐκ, ψυχὴ δὲ μέγα, & quorum altero superstite, vita fuit alteri lucunda, si contra, grauis, vt ait Horarius.

PETRVM igitur illum, cognomine Medei, Tritthemius & alij scribunt, in Archiepiscopatu Treuirensi, in vico Acltspale, honestis parentibus natum esse, & adolescentem ingenio felici, progressus in artium & medicinx studio, tam flagranti cupiditate fecisse, vt summum in Philosophia gradum consecutus, & medicinx Professor eminentissimus, PETRVS de Treuiri nuncupatus, eruditionem & artem suam probârit omnibus. Quietiam propter insignis eruditionis laudem, & rei medicæ peritiâ, in aula Henrici Comitis Lucelburgensis, quem postea delegit Imperatorem Senatus Imperij, constitutus est Medicus ordinarius, nec multo post adeptus canonicatum Ecclesiæ Moguntinensis, & ita paulatim euectus ad altiora, tandem à Bonifacio Octauo, ad annum Cliristi nonagesimum sextum, post millesimum, ducentesium, Episcopatu præficitur Basiliensi, in quodam, vt Cuspinianus scribit, Stelliferorum & Psittacorum dissidio. Cumque Episcopatum illum, ad annos nouem, vtiliter & magna cum laude administrasset, in magna apud omnes admiratione esse cœperat. Sed qua occasione Episcopus ille, homo quidem humili loco natus, ad Archiepiscopatum, & Electoris dignitatem, ac summum eminentiæ gradum elatus, & infinitis alijs summi ordinis hominibus prælatus sit, hoc scire videmini mihi expetere.

Id vero est, quod vt dignum memoratu visum est mihi: ira ad literarum cultores, non solum per se, & sua sponte currentes, incitandos, sed ad languentes etiam, ac segiore commouendos, extimulandosque facere meritò debeat.

Extincto apoplexiâ Gerhardo Moguntinensi Præsule, qui fuit ex familia Dominorum ab Eppenstein, Henricus Lucelburgensis Comes, fratrem Balduinum adolescentem, annos natum octodecim, suffici in locum mortui cupiens, huius negotij causa ablegat PETRVM, quem diximus, Basiliensem, tunc temporis, Episcopum, ad Clementem Quintum Pontificem,

scem, qui sedem Romanam ex Italia transfulerat Auenionem in Gallias, quam ipse & successores eius tenuerunt annos septuaginta & amplius, vsq; ad tempora Grëgorij noni, qui ex Auenione Romanam Curiam rursus Romam transtulit. Eò igitur P E T R V S ad Clementem, de imperando Archiepiscopatu, Henrici Lucelburgensis fratri Balduino, missus, fideliter & exquisitis verbis ac precibus causam agit, sed frustra.

Cum igitur, re infecta, PETRVS in Germaniam reflecteret, accidit, vt Clemens, graui ac periculoso morbo interim correptus, decumberet. Consuluntur medici, quæruntur propinqui, conducuntur longinqui. Continuo etiam PETRVS, de cuius in arte medica peritia Clementi erat per familiares relatum, reuocatur, adhibetur, consulitur.

Eius ope sanatus Pontifex, miratusq; hominis solertiam, & in professione artis felicitatem, eum, qui celeberrimus, & præstantissimus corporum fuisset medicus, dignatus deinceps etiam animarum esse medicum, successorem in Archiepiscopatu Moguntinensi, vt Ecclesiasticæ Hierarchiæ dispensator constituit, confirmat, & solemniter inuestitum renunciari mandavit.

Ita PETRVS, relicto Episcopatu Basiliensi, Archiepiscopatum  
& Electoratum adijt Moguntinensem, fausta acclamatione omnium. O-  
rarum Medico præmium Archiepiscopatus, quod ars quidem meruerat,  
fortuna autem tribuerat,

Qua, medicus, comitante, uel Archiepiscopus esse,

Esse vel Elector, vir gravis arte, potest.

sed nimium fortasse πεισσομένη γε reuertor ad institutum.

Ex interitu VVenceslai, Boemiæ Regis, qui adolescens annorum octodecim confossus est, anno, post millesimum, trecentisimum, sextum ædæq; obijciebatur Boëmis, & Alberto Austriaco: hoc quidem Rodolphum filium, ut quidem adhuc vivo VVenceslao inter illos ex pacto conuenerat, decernente: illis verò, Henricum Carinthiæ Ducem, cui defuncti Regis soror germana desponsata fuit, obtrudentibus. Cumq; regnum Boemiæ iam Alberto videretur armis occupandum esse: BERTOLDVS ad hoc Imperatori manu militum instructissimorum affuit, & quidem fugato postea Carinthiæ Duce, pacatis Boemiæ ordinibus, in Rodolphum Imperatoris filium regnum translatus est, qui tamen eodem pòst anno, quo pater Alberrus à fratris filio interfecit, non sine suspitione veneni, Pragæ fuit extinctus.

Ante electionem Ludouici Bauari, (quem Quartum huius nominis Imperatorem nominant, hi qui Ludouicum Arnolphi filium Catalogo Imperatorum non inferunt, eò quod à Romano Pontifice diadema non accepisset, vt scribunt Munsterus & Cuspinianus) anno videlicet, millesimo, trecentesimo, decimo tertio, per literas Calendis Septembris datas, à Iohanne Boëmix ac Polonia Rege, Henrici Septimi Imperatoris filio, BERTOLDVS Princeps seriò euocatus fuit, vt esset vtriusq; regni administrator, quem se absente, vnà cum collega PETRO Moguntinensis sedis Archiepiscopo, Proreges constituit, summæq; rerum præesse voluit.

Porro autem, inuitum BERTOLDVM, quem tamen vnà cum PETRO Moguntinensi Henricus Septimus in difficilima gubernatione, filio admodum iuueni, vius adhuc, tutorem constituerat, ad tantorum regnorum gubernationem accessisse, literæ serenissimi Regis, quarum iam mentionem fecimus, liquidò ostendunt, quibus manifestè asseritur, BERTOLDVM etiam renuentem, cum plenaria potestate Prouiforem (vt verba retineam, quæ Serenissimi Regis tunc fuerunt) quæ diximus, regnorum constitutum fuisse.

O raram Principis modestiam, ô summam moderationem, & immortalis gloria dignam prudentiam, Quos alij præcio, prece, pecunijs emptos vix adipiscuntur honores, ad eos, ne suffragijs quidem summorum virorum, capiendos, BERTOLDVS Princeps adduci, aut persuaderi se passus est. Inuitos, non ambientes, in Rempublicam collocandos esse Alexander Mammææ literatissimus Imperator censuit, quamobrem fugientes & recusantes Magistratum, ad officia & dignitates traxisse dicitur.

Libet hinc, quæ Albertus Cranzius in sua Vandalia, libro Septimo, de VVenceslao, Rege Boëmix, patris Odoacris in regno successore, refert, μικροῦ πρᾶξι καὶ ἀνικνωτέῳ βίῳ λόγῳ, inferere : VVenceslaus, Odoacris filius, regno succedit paterno, cuius tanta fuit virtus, vt Imperatore Rodolpho moriente, illi à Principibus Romanum deferretur Imperium : Sed qua virtute promeruit, eadem modestia recusauit, asserens, satis superq; sibi laboris esse, paternam ditionem æquis legibus gubernare : externis se libenter abstinere, cedereq; dignioribus : vir tanto Imperio magis donandus, quò magis à se abegit.

Res quæ in paucis inuenit  
exem-

exemplum : fatigant cæteri cælum & terram, vt imperent, ille manibus pedibusq; oblatum Imperium, regno suo contentus, detrectat. Hæc Cranzius.

De Agesilao suo Xenophon inquit : Perpulcrum quidem esse, muros insuperabiles ab hoste expugnari non posse : verum ego longe pulcrius iudico, suum animum ita comparare, vt & pecunijs, & voluptatibus, metuq; & (licet addam) ambitione honoris, sit & peritet inexpugnabilis. Sed ad BERTOLDVM. Qui etsi in vtriusq; regni gubernatione collegam habuit PETRVM, Archiepiscopum Moguntinensem : tamen omnia ad suum arbitrium, prudenter ac moderatè, solus peregit, laudem sibi fauoremq; sine inuidia conciliaus, cum aliorum Principis admirantium dexteritatem, & expeditissimorum prudentissimorumq; consiliorum copiam : tum verò ipsius PETRI, vt Poloni & Boëmi non PETRO & BERTOLDO : sed BERTOLDO & Principe Hennebergio gubernatoribus, quicquid publico nomine decerneretur, actum agnoscerent, bis eundem præponentes nomine atq; cognomine, quemadmodum olim in consulatu Cæsaris & Bibuli collegarum, factum scribit Suetonius Tranquillus.

Cæterum, vbi Iohannes, Boëmiæ Rex, confectis extra regna rebus suis, ad Imperium redisset, statim ac patriæ & subditis suis redditus esset. BERTOLDVS, in aulam ascitus est Ludouici, recens electi Imperatoris, vt quemadmodum & antea, sub Henrico Lucelburgensi, eodem munere functus, rem laudabiliter & præclarè gesserat, Secretis præesset Cameræ illius. Quod munus, quanta cum laude multis obierit annis, restantur non solum diplomata, & Imperatoriæ Maiestatis præclara testimonia : verum etiam virtutis præmia BERTOLDO, eiusq; posteris, simul cum priuilegijs, de quibus mox, vbertim collata, grauissimè commonstrant.

Si quid foris vel cum amicis, vel hoste, si publicè, vel priuatim quid gerendum : BERTOLDVS Princeps parasitatus, & alter Nestor adhibebatur, imò veluti pectus & Consiliorum gubernator Ludouici, qui cum prudentiam, fidem ac iudicij dexteritatem, in BERTOLDO haberet perspectissimam, magnificè eum, suoq; à latere discedere non passus est, atq; adeò, in literarum epigraphijs & vestibulis abundè testatur, quo eum loco reputans, quo dignum honore æstimans, collocauerit, cum dilectum suum, cum fidelem & intimum inscribens consiliarium, honorificentissimè inuitet.

D

Tanta

Tanta cum valeret apud Ludouicum autoritate, etiam filio Ludouico natu maximo, cui post obitum V Voldemari, sine liberis mortui, Marchionatum Brandeburgensium deuolutum ad Imperium, Pater attribuebat, consiliorum & totius gubernationis Ducem, moderatorem, ac, vt antea Iohanni Boëmiæ Regi Henricus Lucelburgensis, filio suo, tutorem adiunxit, anno millesimo, trecentesimo, decimo nono, vbi cum Ludouicum filium diutina exercebant Pomeranica & Megapolensia bella, sanè perquam commodè & optimè factum est, vt ei BERTOLDVS perpetuus associaretur comes, à quo non minus consilio iuuaretur, ac ab Vlyssè Diomedes. Tantum vel in vnus prudentia viri præsidium est.

Porro, cum filij Ludouici & Marchionatus, totiusq; gubernationis curam laudabiliter gessisset, iussus est etiam BERTOLDVS, filio Imperatoris nuptias ambire, inq; eo pro suo statuere arbitrio. Postquam igitur Margaritæ, Christophori Daniæ Regis filiæ, nuptias, adducto secum in Daniam bono omine Ludouico Marchione, feliciter petiisset, easque ratas impetrasset: anno post mille trecentos, vicesimo quarto, rursus in Daniam, petendæ à Rege pecuniæ causâ, de donatione propter nuptias filio dandæ, mandato Imperatoris mittitur. Huius desponsationis etiam Albertus Cranzius meminit, & libuit eius verba, ex capite duodecimos libri octauæ V Vandalix recensere: Venerat tum Lubecam, inquit, BERTOLDVS de Henneberg Comes, nobilium solenni secum apparatu ducto, secum etiam adducens Ludouici Marchionis puerum nouennem filium: vt inde traiceret in Daniam, desponsaturus puero filiam Regis Danorum Christophori, ad eam solennitatem honoris gratia, multi euocati: Principes venerant &c.

Cum in Italiam decreuisset Imperator expeditionem, anno millesimo trecentesimo vicesimo septimo: BERTOLDO Principi nostro suo nomine & mandato, conuocandi ex Saxonia nobilitatem, & Vassallos Imperij, negotium & executionem mandat literis, Mediolano, quarto mensis Augusti, datis.

Anno millesimo trecentesimo, vicesimo tertio, iussu & nomine Ludouici Imperatoris, dissentientium partium Burcardi Archiepiscopi Magdeburgensis, Ducum Saxonix, & Henrici Megapolensis, idem BERTOLDVS arbiter & tanquam Sequester constitutus, autoritate sua controuersias composuit, & pacatis animis discordias sustulit. Cumq; aliquantū



quantò pòst inter Landgraviū Fridericū, cognomento Strenuū, eiusq; matrem viduā vsufructuariā feudi, dissensio extitisset : Ludovicus Imperator ipse corā, vt ex Thuringicis annalibus liquet, BERTOLDO vsus oratore disertissimo, controuersias composuit. Sic inter eundem Landgraviū, & Ciuitates Erfordiam & Mulhusiū, contentionebus quibusdam intercedentibus, BERTOLDVS ab Imperatoria Maiestate legatus & pacificator missus, quāsitā inter contententes pacem conciliauit. Subortis etiā contentionibus inter ipsū Imperatorem, & VVolframū ex Grumbachorū natū familiā Episcopū VVirceburgicū, literis Tridento Calendis Martij, anno post millesimū trecentissimū vicesimo datis, mandat Ludouicus Principi nostro, vt pro sua prudentia ac dexteritate media tenter reconciliationis, ad abolendū quidquid iniuriarū, odij & simulatū fuisset, se transactione BERTOLDI facile acquieturū, & quidquid statueret, in eo negotio, id ratū certūq; approbaturū.

Nec prætereūndū, quod Albertus Cranzius scribit : BERTOLDVM moderatissimis suis consilijs Henricū Principem Megapolensem, acerrimū militem, qui magnā Marchionatus Brandenburgici partem sibi per arma conquisiuerat, post suū ex Dania reditū, Lubecam euocatū, ira mitigasse, vt acceptis marcarū millibus Brandenburgensis monetæ, Ludouico Marchioni terras ademptas reddiderit.

Tanta Eloquentiæ vis, tanta gratia, virtute magistra & Princeps, in BERTOLDO fuit, vt quod alij nulla vi, nullis armis expugnarunt, ipse ἐκ τῆς μύθου orationis vi, & dicendi gratia consecutus est, ἐκ τῆς δ' ἡνότατος, πλεον ἡνὸς αὐτοῦ λόγου λέξις ἐραχυνάτης ὅν πρὸς ἡνὸς. An non meritò tum quispiam de BERTOLDO, rebusq; eius in Danica profectioe gestis, dixerit quod olim Cato Senior, vt Plutarchus memorix prodidit, in politicis præceptis, de rebus gestis Cornelij Scipionis, imprimis verò illis, quas Tribunus militum ad Carthaginem gesserat : οἱ τὸ πένυται τοῖς σκιαῖς αἰσῶσιν.

Ex his quantus toga BERTOLDVS fuerit, satis intelligi posse existimo, vt si sapientiam & cæteras præclaras eius virtutes contempleris : vel cum sapientissimo Vlysse comparandū non dubites : οὐ πρὸς μὲν πρόφρων κρᾶδ' ἢ καὶ θυμὸς ἀγῆνωρς ὃν πάντας ἀνὸς οἰσὶ, φιλεῖ ὃ ἢ πλεον ἡνὸς : Si eloquentiam, & moderationem consiliorum : non

minorem Nestore censeas : ὄνειαρ δὲ γλυκὺ μῆρ & ἡτὶ σάματ' ἔχει νέκταρ.

Nunc ut Marte quoq; non minus clarum, magnum, ac præstantem fuisse planum faciam, ne commemoratōibus pluribus vos intempestiuius obtrudam, vnico contentus ero exemplo, quod cum eminentissimum sit, eo vos quoq; contentos fore, nihil planè diffido.

Quis vestrum non nouit atrocissimum illud prælium? anno millesimo trecentesimo vicesimo tertio, ipso die castis angelis sacro, commissum ad oppidum Muldorf, & Ottingam: vbi de summa rerum Ludouicus Bauarus, cum Friderico Austriaco Imperij æmulo dimicans, hostibus suis & profligatis, Fridericum vicit, cepit, captumq; diu tenuit. In hac pugna vnà cum Iohanne Boëmiae Rege, & Friderico Burgrauio Norimbergensi, noster etiam BERTOLDVS, cum instructissimo equitatu, Imperatori suo contra Fridericum auxilio venit. Hic vbi μάχῃ καὶ χαρίτων antea, nunc ἄριστος δειράπωντα vidisses, maximè strenuum & insignem. Etenim non solum in acie miles acerrimè contra hostes ipse pugnavit: sed etiam cornua in ipso primo conflictu adiens, milites admonuit, sub ictibus telorum versatus, strenuos quosq; milites ad laudem & fortitudinem fidemq; Imperatori præstandam, πάντοτε φοιτῶν τὸ πολεμῆντων μύθος ἀτρῶων, ἄλλοι μελιχίοις ἄλλοι σερείοις ἐπέεσι νεκῶν ὄντινα παγχομάχῃ μεθιέντα ἰδοίτω, ut Homericæ verba de duobus Aiæcus dicta, paucis mutatis, ad nostrum Heroa accommodemus, fideliter suo loco cohortatus.

Et si autem Historici de nomine variant, siquidem alij Bopponem, alij Henricum Hennebergium fuisse asserunt: tamen discimus, non solum ex multis circumstantijs, quarum nonnullas antea commemorauimus: sed etiam ex ipsi archiuorum monumentis, & Hennebergensium Principum Genealogia, fuisse non alium, quam hunc ipsum BERTOLDVM cui nostra hæc seruit oratio. Is enim ipse est, quem Ludouicus Bauarus, quicquid domi militiæq; gereret, ut doctum, ut disertum, ut prudentem & magnanimum Principem, togata pariter ac bellica gubernatione, vnicum vnice adhibuit velle.

Si de Iure & negotijs curiæ agebatur: BERTOLDVS Hennebergius primas tenens consulebatur, fidelis consiliarius, disertus orator, literatissimus Princeps: Sin bellica tractabantur negotia: audiebatur BERTOLDVS, bellator eximius, Princeps optimus, cuius auspicio ductusq;

ductuq; quicquid tandem gereretur, omnes ratum auspiciatūq; credebant, non γυναικὸς ἑστᾶν γένος, @ γυναικὸς ἑστᾶν γένος, ut est in pro- uerbio : sed Heroe forti, magnanimo, Duce consilij & quæ ac armis prom- tiſſimo. Et ne quis alium præter nostrum in pugna illa fuisse imagnetur, nisi prius positæ rationes satisfecerint, quæ tamen propter euidentiā sa- tisfacere cuius debeant : validiori adhuc, ni fallor, argumento, adducam te nolentem volentem, qui fortè manifestis rationibus contradicere non defines,

Regijs diplomatibus Henrici VII. Imperatoris, quæ custodiuntur archiuis, affirmatur, & Electorum, quorum in ijsdem nominatim sit men- tio, autoritate & consensu omnium comprobatur, & liquidò apparet : BERTOLDO Hennebergio, eo ipso quidem, quem supra assignauimus anno, die, loco, ab Imperatore Henrico VII. Lucelburgensi, noua dignitate ornato, locum inter Imperij Principes tributum fuisse.

Quis igitur salua veritate contra statuere ausit, alius nominis fuisse Hennebergium illum, & factum hoc in aliud reijciat tempus, locum, per- sonas, quam augusta & αὐτόπιστα nos docent diplomata? Auentinus opinione deceptus, decem & tribus annis post solennem BERTOLDI Francofordi factam renunciationem, & quidem demum post partam vi- ctoriam, capto Friderico Austriaco, falsò nouæ dignitatis collationem ascribit Ludouico Bauaro, factam Bopponi Hennebergio, quem tum nu- spiam fuisse, recensiones Illustris familiæ Hennebergensium euincunt : Cum tamen, sublata omni dubitatione, confirmatio duntaxat quædam, non prima collatio nouæ dignitatis, sub Ludouico, eidem nostro BERTOLDO facta sit, quod ipsum vel ipsius Ludouici literæ ad BERTOLDVM Principem, cum aliorum priuilegiorum, tum verò, nouæ dignitatis confirmandæ gratia, diuersis temporibus datæ, luculenter testantur, ex quibus etiam illud, quod de futura confirmatione promiserat Imperator, optima fide præstitum esse, manifestissimum est : Idiq; proxime sequentibus annis, post commissum illud prælium, literis Romæ & Tridento datis, in quibus inter cætera, etiam hoc honoris titulo dignatur BERTOLDVM, ut Secretarium suum dilectum, & Imperij fidelem Charissimum, ut vulgò sunt receptæ eiusmodi dignitatum appellationes, honorificè salutet, ut nihil illa, omnium & priuilegiorum, & nouæ digni- tatis confirmatio, per Ludouicum facta fuerit aliud, quam primum com- men-

mendatio virtutum in BERTOLDO maximè insignium: deinde meritorum eiusdem, cum aliorum plurium: tum vero eorum, quæ in atrocissima pugna illa, rebus ex sententia votoq; Imperatoris, prudentia & fortitudine BERTOLDI gestis, gloriose præstiterat, compensatio.

Porro etiam hoc, quod intendimus, confirmant amplissima præmia, quibus tantis ornatus & collocupletatus est à Ludouico BERTOLDVS noster, quantis erat virtus, eiusq; meritorum magnitudo dignissima.

Emerat BERTOLDVS, sexto post millesimum trecentissimum anno, Menburgum cum saltu vicino, fundisq; circumiacentibus, ac proprijs bonis & redditibus eiusdem, à Comite Barbiensi VValthero, Locum Tenente & Administratore Marchionis in Franconia, qui triennio antè illud à Baronibus à Grundlach bis mille aureis emerat. Cæterum contractum illum Goteфридus à Brauneck illegitimum asserens, intercessit, & ob id, quod coniugis nomine, Iuris se aliquid habere putabat hæreditarij, irritam emtionem esse contendens, Imperatoris autoritate & literis, Vlma datis, feria sexta ante festum Iohannis Baptistæ, anno millesimo trecentesimo, vicesimo quinto, pro BERTOLDO pronunciantibus, cedere, ratamq; obligationem illam, vltro citroq; ex voluntate & pacto partium surgentem, permittere iussus est, quod anno altero post celebrem illam Ludouici victoriam factum esse, monumentis diplomatum constat.

Eodem tempore, literis Ratispona datis, duodecimo Calendarum Maij, BERTOLDO ἡμῶν τῶν ἱερῶν τὰ σεβαστέματα γεγονόη, vt Xenophon loquitur, & merito militi, ad faciendam ipsi meritorum dignæ vicissitudinis recompensam, vt Imperatoris Maiestatis propria verba retineam, de regia munificentia contulit, & donauit redditus sexcentarum librarum denariorum Lubeccensium, quos Imperio debitos, BERTOLDVS dum viueret, postulare & perciperet.

Præposituram item Aquensem, BERTOLDO eiusq; filijs diplomate VVirceburgi conscripto, anno millesimo, trecentesimo, trigesimo tertio: itemq; ducentas libras denariorum Brandeburgensium, quotannis Francofordi pro vestigali exigendas, concessit; literis Constantia datis, Alibi etiam, vt mille marcas cogeret in Marchionatu, permisit.

Belritum, quod diplomatis Castrum nominatur, & ad Henricum ac Leopoldum, Cppuinaros, vt vocantur, de Nortenbergk, iure proprietatis specta-

ſpectabat, donabat BERTOLDO, feudumq; confirmauit literis Norinberga datis, anno milleſimo trecentefimo viceſimo tertio, eodem ſcilicet anno, quo conſixit cum Friderico Auſtriaco.

Anno, ſupra milleſimum trecentefimum, quindecimo, literis Monacho, quarto Idus Iulij datis, tum in ſumptuum, quos in obeundis Cæſaræ Maieſtatis officiorum muneribus expenderat, compensationem: tum ad inſtaurandas muniendasq; ditionis ſuæ vrbes, Coburgum, Regiscuriam & Smalcaldiam, moderatum, vt vocant, vulgerum, videlicet contributionem ſolenni ſtylo ſic dictam, quod vulgo fieret, inſtituendi poteſtatem fecit. Paulo antè, & quidem ſub initium Imperij, Ludouicus BERTOLDVM Locum Tenentem Imperij conſtituit, Mulhuſij, & pro vicaria præfectura decernit quadraginta Marcas auri, & vtramq; urbem, Mulhuſium & Northuſium, eidem prouinciales attribuit, anno ſupra milleſimum, decimo quarto.

An adhuc alium, quàm BERTOLDVM fuiſſe, dubium eſſe poteſt: fuiſſe noſtrum, res loquitur: prælio BERTOLDVM interuiſſe, non Bopponem aut Henricum, circumſtantiæ omnes apertiſſimè docent. Tantis feudorum, veſtigialium, ac redituum incrementis & acceſſionibus adiutus, ac collocupletatus BERTOLDVS, ab Imperatoribus, nobis quid ſapientia, quid virtus & eruditio, Principibus cæteriſq; ex nobilitate, tum ad honores, tum ad opes augendas, ampliandasq; conſeruat, exemplum admiratione & immortalitate digniſſimum reliquit.

Cumq; iam alijs etiam totius Imperij Principibus tum Politicis tum Eccleſiaſticis, perſpectum exploratumq; eſſet: BERTOLDO non ſolum in iudicandis controuerſiis, & componendis litibus, ac reprimendis virtute conſilioq; ſeditioſis motibus: ſed etiam in tranſigendis de pace negotijs, & ingenium & genium admirandum eſſe: Non minus & hi, ſæpiſſimè ac plurimum ipſius uſi conſilio, & adiuti auxilio, vt bellatoris tum fortiſſimi, tum ſapientiſſimi, inq; caſibus periculoſiſſimis, & maximè arduis ſacri Imperij negotijs, dexteritatem iudicij experti: miris laudibus extulerunt, & miſiſis præmijs, donatiſq; vltro feudis & oblatiſ honoribus noſtrum Principem ſuum eſſe, ſuiſq; patrocinari partiſ voluerunt.

O dignam præmijs & honoribus virtutem Principis: virtutè ambire oportet, non fauitoribus, ſat habet fauitorum ſemper, qui rectè facit, inquit.

inquit Comicus. Fautores sibi noster comparauit summorum virorum amplissimos, solius doribus ingenij, solius virtutis splendore, laudibus hoc efferendus maioribus, quò donis splenduit rarioribus & dignioribus.

Affuit itaq; vicinis, affuit remotis. Sed vbi? inquires. Cum crebrò seditiones fuissent sub Hermanno & BERTOLDO, Episcopis Vvirceburgicis: Sic etiam aliquantò post, anno post mille ducentos nonagesimo secundo, orta seditio subditorum aduersus Mangoldum, & ipsum Episcopum VVirceburgicum, nostri Principis virtute & auxilio repressis seditionis, sedata fuit, ex eoq; tempore, VVirceburgicus, quem diximus, Præsul, & BERTOLDVS Princeps, intercedente mutua obligationis fœdere, vires suas ambo deinceps ad coercendos seditiones & sedandos tumultus, simul coniunxerunt. Idem etiam Episcopus, pro restituentē gesta, BERTOLDO Principi Frittelshusum, eiusq; Iurisdictionem, deuolutam tunc temporis ex obitu & interitu familiæ Alberti à Iochersberg, ad Episcopatum VVirceburgicum, feudatariam donauit, & simul honoris & sumptuum, quos impenderat, gratia, marcas argenti quadringentas obtulit, idq; anno millesimo ducentesimo nonagesimo septimo.

Albertus Landgravius Thuringiæ, BERTOLDVM Principem vel vtrò beneuolentiæ & amoris studio in ipsum singulari & mirifico, præfecturæ Aldepretingiæ feudo, quod Alberto post mortem Henrici à Franckenberg sine hærede defuncti, Domino feudi cesserat, Vassallum ως χαριστόμυθος inuitatum asciuerat, anno millesimo ducentesimo nonagesimo quinto, annis videlicet, ante inaugurationem BERTOLDI, quindecim.

Henricus quoq; Fuldenfis præsul, BERTOLDVM Principem iamdudum ambit, utq; eum amicū & rerum prudenter gerendarum autorem sibi & socium comparet: decernit ei centum & quinquaginta libras denariorum Fuldensium, anno ad mille trecentos tertio, qui reditus BERTOLDO, iuris alieni in Ruckentuel vicario, pro meritis, summa fide magnaq; cura, Præsulī eiusq; diocēsi præstitis, cederent. Cæterum Abbas ille, ex familia oriundus fuit Comitum à VVeilnau, rerum sub Rôdolpho, Adolpho, Alberto, Imperatoribus, gestarum fama celebris, cui & virtus BERTOLDI nostris eò perspectior erat, & fides exoptatio, quò coniunctiores ambo simul in Alberti Imperatoris aula vixissent, rebusq; essent adhibiti maioribus.

Quid



Quid eodem hoc anno Monachis Vezzerani cœnobij præter opinionem acciderit, & mihi commemorare, & vobis, vt arbitror, audire, molestum non erit. Monachi in festi cuiusdam præcipui solennitate, sanctorum reliquias, apparatu splendido, auroq; simul & argento nitidissimas, religionis studio, plebi confertim aduolanti, ambitiosius ostentabant, Ibi nonnulli magis sanctorum imagines, quas auro argentoq; cooperitas, pauloq; densius preciosissimo metallo compactas viderant, quam ipsa mortuorum ossa ac reliquias admirati, sacrilegis manibus abstulerunt. Monachi cætera quidem anxie desiderantes : illius tamen iacturam præcipue dolebant, quod aliquid sanctæ crucis reliquiarum Hierosolymis olim missum, sumtuosissime & affabre elaborato metallo inclusum, auroq; insigniter obductum, vnâ surreptum fuerat. Sed fortassis hæc *ἡ ἀλλοτρίω χροῷ πόδα ὑπέκριντο*, non enim nunc sacrilegia, sed BERTOLDI memorabilia volumus referre.

Deniq; quod alij Principes nec autoritate, nec precibus suis obtinere potuerunt : hoc Princeps noster non minus prudentia & doctrina, quam autoritate pollentissimus, facillimè sua intercessione impetrauit.

Gebhardo Episcopo Mersburgensi, Henrico item Hildesheimensi, BERTOLDI solius intercessione, feuda diæceseos vtriq; ab Imperatore descendente, tunc temporis impetrata sunt, testantibus hoc ipsum regijs diplomatis, anno supra millesimum, trecentesium, tertio & tricesimo, Norinbergæ editis.

Vnum adhuc est, quod vt maximè memorabile & præcipuum, ita maximè referendum : vtpote toti genti Hennebergicæ & Principum Hennebergensium subditis, in tota posteritate, & decus & emolumentum perpetuum ac laudabile acquisitum, laudatissimis ac summis BERTOLDI nostri meritis, videlicet gentem illam *αὐτόδικοι* siue *αὐτονομέπου* intra sui limites Domini, *αὐτῶν τῶν τικῶν* ius dicere subditis suis, idq; peculiari decreto Imperatorio, adeò nimirum, vt quicumq; aduersus subditos Hennebergicæ ditionis de quacumq; causâ ciuili aut criminali, actionem aliquam habeat aut instituat, non alibi quàm coram Principe Hennebergio, eiusq; hæredibus ius suum persequatur. Quod quidem Priuilegium *τῆς αὐτονομίας τῆς*, ipsius non solum Imperatoris, sed & Electorum, Boëmæ Regis, Palatini, Treuirensis & Moguntini, vnanimi consensu comprobatur.

Haëtenus in officijs & dignitatibus publicis, vti eminentissimum fuisse nostrum: ita etiam meritum praxims locupletissimum, audiui-  
mus, restat, vt qualis domi inter subditos suos, & priuatus, deinde etiam  
erga superos fuerit, dicamus.

Reipublicæ studiosissimus fuit, ideoq; vbiq; se prodesse aliquid  
posse existimabat patriæ, nullos labores fugit, nulla periculorum discrimi-  
na aduersatus est, illud secum perpendens: εἰς τιανὸς ἀγῆστον ἀμάντιον πᾶσι  
πᾶσι. Quin sui officiij esse censuit, subditos bonis cumulare quam plu-  
rimis: ὥς ὅστις ἀπὸ τῶν νεωστίων προφέροι, μάσας ἐπέκει λάβει, κα-  
κῶς δ' ἄρα, δι' ἐλπίδ' αὐτῆς. Vnde iudicare facile est, quales mores eius  
fuerint: ἀπὸ γὰρ τῶν ἔργων καὶ τῶν τρόπων αὐτῆς κάλλιστα κατὰ δι-  
λοι εἶναι, Xenophonte teste: in tota autem gubernatione, erga subdi-  
tos placidus fuit: οὐδ' ἐν διαφέροι τῷ πατρὶς ἀγαθῷ. Odit, qui publica  
priuatis postponerent commodis, Tribunal & curiam auream messim esse  
rati, vt Stratoclem & Dromoclidem fecisse ex Plutarcho discimus.

Vtq; Principis ignaui nullam esse dixit vtilitatem: ita subditorum  
etiam inuens labores & studia, nihil molestius tulit, quam ignauorum &  
ociosorum premi, atq; affligi voracitate sedulos. Vindex scelerum acer-  
rimus: pacis ac concordia publicæ conseruandæ studiosissimus.

Paternæ hereditatis non dissipator, sed augustus amplificator fuit:  
custos salutis & defensor communis patriæ. Nec desunt quæ, quod dici-  
mus, affirmant, & luculenter quidem, exempla.

Guntlerus Comes à Keuernburgk senior, anno post mille ducentos,  
octuagesimo octauo, quadringentarum argenti marcarum debito obli-  
gatus BERTOLDO, eiusq; patruo Henrico, Domino Hartenbergio,  
sub lege redimendi, pignori posuit arcem Elgersburgam, eamq; postea,  
accepta fiducia, mancipatam Friderico VVitzlebio, BERTOLDVS  
de consensu patru, eiusq; coniugis Kunegundis, VVerthemix Comitris re-  
mancipatam, plenèq; iure traditam tenuit, vt posthac de fundis illius pro-  
prio disponderet arbitrio.

Anno, post mille ducentos, nonagesimo nono, quidam latrones suis  
in Bambergica diocesi freti receptaculis, casulis incensis, passim direpti-  
onibus & prædis agros Hennebergicos, maxime autem propè Oberodam,  
euasiant. BERTOLDVS ibi patria defendens recta, & ab aris focisq;  
ferrum flammisq; depellens, equitatu magno collecto, sua ditione pullos  
latrones istos grauiter vlciscitur.

Rursus.

Rursus ad annum quartum, post mille trecentos, dissensionibus & contentionibus ortis grauissimis, inter VValtherum Barbiensem Comitem, Marchionis Hermannii in Coburgica ditione *τοπτηνικῆς*, & BERTOLD VM, qui atrocibus VValtheri iniurijs lacepsitus, aperto Marte cum hoste congressus, prope Gauerstadium pagum, alijs occisis, alijs captis, cæteris profligatis, & in fugam versis, victor festo Simonis & Iudæ, anno, quo diximus, redibat.

Cæterum, nec dum quiescens Barbiensis, recollectis quasi viribus, altero mox die, Silusiam nostram ex insidijs adit, & inopinato obsidens vicinos pagos depopulatur, plebeculæ miseræ etiam imperata pecunia: verum territus aduentu BERTOLDI significaro, statim relicta Silusia, Vezeram properat, noctem cum suis ibi, cum magna fratrum molestia ac iactura, commoratus, altero die Vierræ loca pagosq; vicinos obruit, diripit, incendit: Interim BERTOLDVS Helturgicos & vicinos vastabat agros: quod postquam Bibræ pernoctans Barbiensis audierat: inde cum equitatu, quem tunc habebat, quam BERTOLDVS robustiorem, è vestigio nostrum insequitur, manumq; ad VVitersbachium conferens, tunc quidem superior fuit.

Atqui BERTOLDVS, vir strenuus, & pectore semper in defendendis suis fortissimo, cladem acceptam & iniuriam illatam iniquissimè ferens, nouis equitibus, quos Halsiæ Landgravius affinis miserat, & suis longè quàm antea instructior, hostem ulturus, VViltpergam arcem, ad quam se receperat Barbiensis, obsedit, incendijs ac direptionibus agros ad Menburgum vsq;, quod quidem id temporis in Barbiensis erat potestate, longè lateq; depopulatur, hostem redigens ad eas angustias, ut BERTOLDI virtutem & fortitudinem admiratus, eius deinceps amicitiam potius ambiret, quàm amplius quicquam aduersus eum hostiliter susceperet. Quod ipsum, cum venditio Menburgicæ arcis, quam BERTOLDVS, sexto post mille trecentos anno, à Barbiensi emerat, ut supra diximus: tūc affinitas comprobat: duxerat enim eodem anno Barbiensis Comes VValtherus, Henrici Hennebergici filiam, nuptijs Coburgæ celebratis.

Cum anno, post mille trecentos, octauo, Albertus Imperator, cognita suorum clade ad Luckam accepta, metuens, ne Fridericus Marchio Misnensis, vrbes, quæ pro Cæsare stabant, inter quas etiam imprimis Ise-nacum fuit, vi caperet: cum exercitu Thuringiam ingressus, Munerstadij

Franciæ oppido, biduum commoratus est: ibi BERTOLDVS, intimus Alberti Consiliarius, Imperatorem subiectissimè excipiens, VVasingam deducit, & vtrobiq; commeatu copiam, liberaliter & abundè, toti Cæsaris exercitui subministrat, Cæsare ipso cum Episcopis VVircburgensi, Bambergensi & Spirensi, comitantibus Imperatorem, magnificè & regaliter tum Munerstadij, tunc quidem Hennebergicæ ditionis oppido, tum VVasingæ exceptis. Tunc quidem ab Alberto noster BERTOLDVS Suinfordensis municipij gubernationem impetrabat. Donauit etiam ad id tempus Imperator VVasingam, arcem simul & oppidum, priuilegijs, iudicijs & prerogatiuis iisdem, quibus vrbs Imperialis Suinfordum olim à Regibus & Imperatoribus Romanis donata esset, diplomate concessis regio, Isenaciscripto, tertio Calendas Februarij: Idq; perpetuum quasi *μνημόσυνο* sui optimus Imperator, loco, quamuis alioquin humiliori, haud immemor hospitalitatis officij, reliquit.

Horum quidem Priuilegiorum confirmatio, postea non tantum anno post ab Henrico septimo facta est: verum vnanimè omnium Electorum consensu comprobata: Regis quidem Boëmiae Iohannis: anno post mille, trecentos, vndecimo, vndecimo Calendas Augusti: Archiepiscopi Moguntini PETRI, post totidem anno decimo, ad tertium Calendas Iunij, Spiræ: Archiepiscopi Treuirensis, Balduini, eodem anno, octauo Calendas Augusti, Francofordi: Archiepiscopi Colonienfis eodem ipso anno, ad quartum Calendarum Septembris, Spiræ: VVoldemari Brandeburgici, eodem anno, ad octauum Calendas Augusti, Francofordi: Rodolphi Palatini eodem quoq; quinto Calendas Maij, Ingolstadij.

Id temporis VVolfgangus à Landsuuelir, præfecturæ cuiusdam præses, à quodam prouocatus ad mohomachiam, & antagonista cæso, coram Iudicio VVasingæ reus constitutus, sententia iudicum, ex autoritate priuilegij Imperatorij, recens accepti, absoluitur.

Vita eius priuata, pulcerrimarum virtutum exercitijs, præcipuè vero temperantiæ ac sobrietatis luxit, vt omnibus tum subditis, tum domesticis, exemplum præberet moderationis, continentiæ, & salutariter instituendi vitam rationis.

Cultuum pietatis & religionis obseruantissimus fuit. Quæ virtus eum multa præclara monuit, & impulit, vt beneficentiam erga pauperes liberalissimè exerceret, factus ærumnoso Deus, vt inquit Nazianzenus.

Quam-

Quamobrem, vt de quàm plurimis quàm optimè mereretur, eleemo-  
synas elargitus est in pauperes, easq; destinauit perpetuas.

In Vezerano cœnobio cultibus sacris, & suo & coniugis nomine,  
destinat, anno, post mille trecentos, secundo, sumptus ad sacra solennia &  
parentandi officium, die tertio decimo Februarij, quotannis in parentum,  
Soceri & Socrus honorem, vſitatis Ceremonijs, piè celebrandum : desti-  
nat etiam vasa, quæ sacris cultibus consecrata voluit, in eodem Cœno-  
bio. Item, Crucem inauratam, tapetia artificiosè egregieq; picta, aliq;   
pietatis & religionis ergò, quàm plurima.

Taceo quæ BERTOLDVS Iohannitarum ordini Silusiæ quot-  
annis contulit, videlicet libras obolorum viginti quinque, Muneris adij tan-  
tis per ex Tributo municipij soluendas, donec repræsentaret BERTOL-  
DVS centum argenti marcas : vndecim libras ex proximis Silusiæ pa-  
gis, mille libras & amplius ex salu conferendas, aridorum item aliquot  
mensuras, eidem ordini magno religionis studio donauit.

Cœnobij Meningensis fratribus, statim initio dominationis suæ bi-  
ennio post obitum patris, vt in parentum memoriam, quotannis vicesimo  
oſtauo Ianuarij die, sacra celebrarent anniuersaria, destinata ligna ex sal-  
tu Obersultzfeld, citatis testibus, quorum fuit VVolframus Schrimſius (cu-  
ius postgri perhibentur nobiles, qui hodie Bergenses vocantur) Henricus  
Marschallus à Schleusingen, Thomas VVeinschenk ab Hennenbergk,  
omnes equestrium ordinis, perpetuò rata esse voluit, idè anno præceden-  
te obitum ipsius, noua liuius beneficij confirmatio facta est.

Hac ipsa permotus pietate, & religionis studio, cum alia multa, ad  
sacros ritus diuinorū cultus conseruandos contulit : tum verò, digna tan-  
to Principe munificentia, Smalchaldix ædem sacram Diui AEgidij nomi-  
ni consecratam, extruxit, faustissimis sane auspicijs. Nam reditus annui,  
Capitularibus destinati, cessante nunc abusu, porrò in verum piamq; vsum  
conuertuntur, translati ad illustrem Hennebergicam Scholam, quam Il-  
lustrissimus Princeps GEORGIUS ERNESTVS Silusiæ aperuit,  
munificentia exemplo æterna memoria dignissimo.

Cæterum, quæ fuerit in BERTOLDO Principe religiosa san-  
ctitas, quæ sancta religio, quàm feruidus & addictus Christo, eiusq; Ec-  
clesiæ, rebusq; diuinis animus, an non vel inde colligimus? quod paulò  
ante vitæ, in hisce terris, finem, nec longè iam abesse mortis horam præ-

sentiens, voluit quidem ossa loco sepulturæ consecrato, & vîsîto, nimirum in vicino Carnobio Vezetano colligi, ibidemq; terræ mandari, corpus & intestina : sed, vt quo animo erga Ecclesiam & res diuinas fuisset, argumentum posteris relinqueret, Cor exenteratum, in eum ipsum locum, quem Smalcaldix, vt diximus, religionis amore & ardentissimo pietatis studio, rebus sacris diuinisq; cultibus, extructum consecrauerat, deferri iussit, quod ibidem capsula inclusum in hunc vsq; diem, in sacrario ædis Diui Aegidij, reueruatim videre est.

Voluisti id temporis quidem, BERTOLDE Princeps religiosissime, Cor tuum relinqui in eo loco, vbi singulare & præclarum pietatis tuæ monumentum, templum, focus & ara tuis erecta sumtibus, extarent : vbi sacri celebrarentur cultus : vbi subditi tuo solius parerent Imperio. Quod si nunc præsentem istam & admirandam rerum innouationem, ac mutationem, statumq; prorsus alienum, & juris insuper auiti translationem, intueri liceret : Certè anxie velles, & idem expetere videntur sanctissimæ manes tui, translatis postremi, gentis & posteritatis tuæ, laudatissimi Principis GEORGII ERNESTI pia & vltima voluntate re-ditibus, Cor etiam ipsum SILVIAM translatum esse, quod totum inflammatum religionis & pietatis arsit amore, quod florentem Ecclesiæ & Politicæ statum, florentem suæ gentis Prosapiam, quod non alienis, sed filiis, nepotibus & toti posteritati suæ thesaurum acquiri voluit : ô pietatem, ô fidem BERTOLDI : ô sanctissimos manes, & beatissimas reliquias, ô cor feruentissimi amoris flamma æstuans & rebus sacris tuisq; posteris addictissimum & propensissimum : ô tumulum floribus decorandum accumulandumq; æternis, purpureis & fragrantissimis. Sed porro rerum suarum moderatorem prudentissimum BERTOLDVM audite.

Inter alia etiam, prudentiæ & iudicii eius singulare specimen, illud quoq; & velut Cygnea cantio fuit, quod non sine exemplo veterum sapientissimorum, Persicæ & Græcorum Principum, quorum etiam Cyrus est, testamento voluntatem suam exprimens, sapiens Princeps, de illo cauit : vt ex posteris, quouis tempore, natu maximus, gubernationem solus administraret : Ceteri verò, contenti certis redditibus viuerent, ita nimirum : ne quid clauum gubernationis tenenti, natu maximo, fraudi esset : aut neruicrum gerendum sumtibus non necessarijs eliderentur, aut gubernatorum multitudine, quæ sæpe, in eadem præsertim familia, dissidiorum & distrac-



distractionum causa est, res antea in tranquillo statu constituta, dissidentibus gubernantium opinionibus, labefactarentur.

Tandem omnibus rebus suis placide compositis, & alteram illam vitam, caelestem patriam, veris aspirans gemitibus, & ad beatam ex morali vita emigrationem sese iamdudum præparans, animamq; Deo reddens, in filiorum amicorumq; amplexu, in vera Christi inuocatione pie & placide expirauit, anno millesimo trecentesimo quadragesimo, X V I. Aprilis, Smalcaldia, cum annis vixisset sexaginta octo.

Hunc equidem BERTOLDVM, propter plurimarum & eminentissimarum virtutum decus eximium, verè BERTOLDVM, ὀνομα ἱπώνυμος Ὁ ἐμψέχης τοῖς πράγμασι, quem magnificerunt, summoq; fauore & gratia complexi, tres illi summi & laudatissimi Imperatores, Albertus, & Rodolphi Habsburgensis filius: Henricus septimus Lucemburgensis, & Ludouicus Bauarus, in suas cooptrarunt aulas, rebusq; adhibitum Imperij maximis, propter amplissima merita, magnifica officia, plenissima prudentiæ & fidelitatis consilia, incredibilem mentis sagacitatem, ceteraq; ingenij dona prorsus diuina, honoribus amplissimis, feudis & opibus splendidissimis, diplomatis ac priuilegijs, autoritate, & maiestate grauissimis, ornarunt, cumularunt, extulerunt, renouandis subinde & confirmandis ampliandisq; prius Imperatoria autoritate traditis, & acceptis feudis, & Priuilegijs.

Hunc, inquam, BERTOLDVM, licet summa ætate, eaq; quam maxima pars hominum non attingit, rebus sit exemptus humanis: magno tamen desiderio profecutos fuisse omnium ordinum homines, non est dubium. Quorum summis ornamento, æqualibus miraculo, pariter autem omnibus & singulis, exemplo fuit. Nemo enim BERTOLDO rerum gestarum gloria clarior, nemo autoritate grauior, nemo humanitate politior, expetitus summis, optatus æqualibus, dilectissimus subditis.

Porro secuta sunt mortem BERTOLDI cum alia, quibus rursus est pristinus status, tum vero ab alienatio Coburgici tractus, facta septimo post obitum eius anno, cum summa vir & Princeps autoritate, tot annis, vt mox dicemus, ab alienatum, iure pristino recepto, domino suo rursus addidisset. Atqui hæc calamitas genti Hennebergicæ, mira quadam fortunæ vicissitudine accidit. Nam cum BERTOLDO Principis,

cipi, singulari benedictione numinis, datumq; diuinitus esset, vt ex se posteritatem relinqueret florentissimam, ex qua generosissimæ in multorum eorum lem̃q; Illustrissimorum Ducum & Principum familias, transferrentur propagines: factum est, vt in desponsationibus filiarum, maritis alijs, alia loca dotis nomine promissa cederent.

Alexander Seuerus Romanus Imperator ille, qui propter virtutem, vt scribit AELius Lampridius in vita illius, Princeps dici meritus est omnibus bonis suffragantibus, solitus est dicere: Romæ seminarium Senatorum, Equestrium ordinem esse: Idem hoc liceat nobis de BERTOLDI posteritate nunc vsurpare, vt dicamus: eam Senatus Imperij, hoc est, ducum illustrissimarum familiarum, Saxonica & Brandeburgica, quarum in augustissimo Septemuirore Senatu præcipua & summa est hodieq; autoritas, *φύλονος* & viuiradicem esse.

Addimus etiam, ex eiusdem BERTOLDI stirpe *φύλονος* ac propaginem feliciter excisam, & Ducum VVirtebergensium insertam stirpi, diffusamq; per multarum illustrium familiarum stemmata, latis se germinibus longè lateq; extendisse. Quæ si quis temere, aut in gratiam cuiuspiam asseuerari putet, familiarum recensiones inspiciat licet, ex quibus nobis ad commonstrandum, quæ diximus, hæc breuiter quæ nunc sequuntur, recensenda duximus.

Henrico filio BERTOLDI natu maximo, cui post obitum patris, de sententia ac voluntate paterna, tradita est, & cessit ditionis suæ dominatio, nupra est G V T A, filia Hermanni Marchionis & Electoris Brandeburgici, cui ex sorore nepoti Boppo Hennebergius, vir sitiens, vt annales referunt, honores & diuitias, blanditijs Hermanni delinitus, exclusis agnatis suis, Coburgici tractus propria, partem Hennebergicæ ditionis, tunc temporis, præcipuam, testamento legauerat, anno Christi millesimo, ducentesimo, nonagesimo primo. Futurum Henrici filij sui, & Gutæ Brandeburgicæ coniugium, Princeps BERTOLDVS eò maiore exoptabat desiderio, quo ferebat iniquius, hæreditariæ & auitæ ditionis auulsionem. Atqui prudentissimus Princeps, pro vindicanda illa, noluit quicquam nisi placide, & moderatis consilijs suscipi.

Sperabat enim fore, vt intercedente coniugio summa fieret, non modo animorum, sed abalienatæ etiam auitæ possessionis coniunctio, *νεξ*  
*μην*

ἡ δὲ τὸν δουκὲς ἐπέσθην, Non enim spes sapientissimum Principem frustrata est. Tentatum enim VVoldemari Electoris Brandenburgici autoritate ac intercessionem, coniugium, fati propitijs feliciter impetratum est.

BERTOLDVS igitur coniugij iam noui auspicio lætari, & sibi gratulari, idq; non ob affinitatem, quæ iam olim inter vtriusq; familie maiores arctissima: quin & sanguinis coniunctio inter Henricum Hennebergium, & Gutam Brandenburgicam, nouos sponfos tanta fuit: vt quarto inter illos consanguinitatis gradu nuptiæ contraherentur: verum multo magis, propter abalienatam regionem Coburgicam, eiusq; Iurisdictionem, hac quidem connubialis fœderis occasione, partim sub dotali munere, speratam oblatamq; partim intercedente legitimæ emtionis contractu, magna prudentia, & temperatissimorum consiliorum moderatione BERTOLDI Principis, pristinis ac suis hæredibus, anno Christi millesimo trecentesimo, decimo quarto, sub Imperatore Ludouico Bauaro restitutam, ac nouis Imperatorum priuilegijs ac diplomatis, BERTOLDO eiuj; hæredibus confirmatam, cum sub Imperio Brandeburgensium à morte Bopponis Hennebergij, qui sine hærede mortuus, eam vt diximus, Hermannus sororis filio donauerat, annis fuisset tribus & viginti: ex quo tempore Hermannus Brandeburgicus Elector insignia sibi vendicans auctorita, & sub Aquila Brandeburgensium, Gallinam ostentans, noua Comitatus in Henneberg & Domini Franconie inscriptione gloriabatur, constituto regionis Coburgicæ Administratore VValthero Comite Barbiensi, Hic vicaria potestate factus insolentior, & Hermanni Brandeburgici, cuius vicem sustinebat, auctoritate fretus, quæ aduersus Principem nostrum, inq; ditionis eius locis quibusdam, maxime vero Silusiæ, & in Cœnobio Vezerrano, hostilibus irruptionibus molitus sit, & qua eum BERTOLDVS Princeps virtute insecutus represserit: antea diximus, vnde apparet vtrumq;: & verum esse, πῆμα κακὸς γὰρ τῶν: & BERTOLDVM patriæ defensorem minime lentum hostibus profligatis, & in fugam versis subditos suos fortiter propugnasse.

Cæterum cum Henricus nullam ex Guta Brandeburgensi sobolem masculam suscepisset, filias autem reliquisset tres: Sophiam, Elisabetham, & Catharinam: Post Henrici obitum, vidua Coburgum cum reliquis eopertinentibus, vt donationem propter nuptias factam, feudi Hennebergensis vsufructuaria possedit, manseruntq; omnia sub Comitum Henne-

bergensium dominio, tantisper donec filia Henrici, **BERTOLDI** neptes, in luculentissimas & potentissimas collocatae familias, sub conditione donorum dotalium, Coburgicae ditionis loca, iure tamen feudi, cuiusq; Caesarea autoritate factae confirmationis, Hennebergensibus Principibus debita, ad maritos suos aliae ad alios transfulerunt.

Sophia nupta fuit Alberto Burgrauio Norinbergensi, genitrix Marchionum Brandenburgensium, ex quibus deducta serie Proavi, & Maiores eorum, qui annos intra ducentos, ex hac familia, illustres extitere ac generati sunt, Marchiones & Electores Brandenburgici propagantur, quorum etiam annales & genealogici libri, Sophiam Hennebergicam, materna origine, gentis Brandenburgicae parentem recensent.

Elisabetham duxit Eberhardus, Comes VVirteburgicus, per quem Regiscuria, vulgo Königshouium dotalia coniugis, venditione translata sunt ad Episcopum VVirceburgicum. Felici coniugio filium ex Elisabetha Hennebergica genitum VVirtebergensis habuit Vlricum, Tristannum Christophori Patris Elisabethae, coniugis Illustrissimi Principis nostri, **GEORGII ERNESTI**.

Catharina desponsata est Friderico Marchioni Misnensi, qui propter Heroicam animi fortitudinem, qua multa praeclare & strenue sub Carolo Quarto Imperatore gesserat, cognominatus est **STRENNVS**. Accipit autem cum Catharina coniuge, dotis nomine, reliquum prouinciae Coburgicae, quae huius occasione connubij, tandem deuoluta ad Saxoniae Ducem, adhuc manet sub eorum dominio, annos ducentos & amplius. Suscepit ex Catharina Hennebergica Fridericus filios tres, Georgium, VVilhelmum & Fridericum, quorum hic ex Marchionum Misnensium familia primus ab Imperatore Sigismundo, apud Budam, Electoris, & Ducis Saxonici dignitatem accepit, anno millesimo quadringentesimo vicesimo, translata Electoratus Saxonici dignitate, in hanc Misnensium Marchionum familiam, postquam Albertus vltimus Elector Saxoniae ex Anhaltina familia, in qua durauerat annis amplius ducentis, nullò relicto haerede, fato concessisset.

Ab hoc Friderico Marchione Misniae, **BERTOLDI** Principis nostri pronepote, qui electoratus & Ducum Saxoniae primus, vt diximus, ex illa familia consecutus dignitatem, ad posteros eam Marchiones Misnenses transtulit, descendunt eiusdem familiae, nostro seculo, Duces & Electores Saxoniae.

Sed

Sed hæc hæcenus, & quidem eo consilio potissimum, vt consideremus, quæ posteritas BERTOLDI, quas in familias propagata, quibusq; occasionibus ab auitis possessoribus, ad alienos & affines Principes, penes quos etiam num est possessio, præcipuam amplissimæ ditionis partem transtulerit.

Quibus etiam hoc satis euidenter ostensum putamus, BERTOLDI Principis ex Henrico filio neptes, trium inter Imperij Principes, maximè Illustrum & laudatissimarum familiarum, summa cum laude BERTOLDI, eiusq; posteritatis, generosissimas fecundissimasq; propagines, quibus altricibus & quasi primis seminarijs, tantæ familix, vnde iam tribus fere seculis, tot & tanti Heroes, & Principes incomparabiles, totius mundi lumina fuerunt exorti, propagatæ, tulerunt regnorum Romani Imperij stabilimenta & columnas, quibus illud suffultum, & consolidatum, multis iam seculis, decus suam aduersus omnem iniuriam, & impetum tueri potuit, maximo potius imperij amplitudinis & dignitatis incremento.

Sed quam, dixeris, Hennebergicæ familix, atq; adeo Principi tuo BERTOLDO laudem hic quæris? Siquidem aliena sunt, nec vnus familix, quæ tamen ad vnam referre non veretur? Refero ad vnam, vni eisdemq; nostra quærit oratio, quæ tantum vnus sunt. Quidni toti genti Hennebergicæ, BERTOLDO eiusq; posteritati laudi detur? ex se genitrix filias neptesq; tantorum Principum, Ducum, & Electorum extitisse matres? quas vel illi ἡμετέρας ἡμετέρας honore causa recensent. Quid? quod hoc homine gloriari ἡμετέρας ἡμετέρας nequeant, vtpote qui gentis suæ suorumq; maiorum seriem ignorent? nonne etiam summi Principes, materna quoq; origine, generis sui ortum illustrari voluerunt? quid horum nomina memorantur à Genealogiarum scriptoribus? cur Poëtarum sapientissimus Andromachen Hectoris coniugem, magnanimi Eetionis filiam celebrat? cur Olympiadis matris Alexandri magni nobilitatem, præ cæteris quas coniuges habuit Philippus pater, memorant historix? cur Iulius Cæsar apud Suetonium Tranquillum Quæstor factus, Iuliam amitam, vxoremq; Corneliam defunctas, laudauit è more pro rostris? cur in amittæ quidem laudatone, de eius ac patris sui vtræq; origine sic refert? Amitæ meæ Iulix, maternum genus ab regibus ortum, paternum cum Dijs immortalibus coniunctum est.

Xenophontem igitur, vel potius Socratem ipsum decernentem, &

quicquid dubij relinqui poterat, grauitate iudicij sui tollentem, audiamus: apud illum libro secundo, de factis & dictis Socratis memoratu dignis, sic legimus: Manifestum est, nos considerare, à quibus mulieribus quam optimi filij nobis propagari possint. Et paulò post, philosophica, quæ dixit, comprobans ratione quadam, subiungit: mulier concipiens tolerat hoc onus cum grauamine & periculo vitæ, alimento suo nutriens foetum, & vbi magno multoq; cum labore pertulerit & pepererit, postea etiam nutrit atq; pro ea procurat. Cæterum ne his quidem acquiescentem, hunc copulationem vtriusq; sexus ad subolis propagationem necessariam, negaturum dixerim.

Sed ad BERTOLDVM, eiusq; posteros, quorum institutz narrationis series me cogit mentionem facere, reuertor.

Reliquerat BERTOLDVS Princeps quatuor filios, Henricum, de quo superius, IOHANNEM, Ludouicum & Bertoldum, & ex his, Iohannem sanguinis & nouæ dignitatis, ad posteros propagatorem, Illustrissimi Principis nostri GEORGII ERNESTI Tritauum.

Iohannis filius Henricus, pater VVilhelmi Primi, BERTOLDI nepos, aui vestigia & pietatem secutus, vicinum nosodocheum ad Diuum Christianum fundauit. Ex hoc genitus VVilhelmus Primus, religionis studio terram sanctam visurus, in Cyprum delatus moritur.

Filius eiusdem nominis VVilhelmus Secundus, incliti Principis GEORGII ERNESTI Proauus, patri successit, fratre Henrico Coloniz & VVirceburgi sacris deuoto.

Huius deinde & nominis & bonorum hæres, VVilhelmus Tertius sequitur, qui profectus cum ERNESTO Saxoniz Electore, BERTOLDI Principis ex filia abnepote, Romam, in reditu Salodori Heluctiz oppido, mortem obiit, Boceni inhumatur, ossa biennio post in Cœnobium Vezera-  
num transferuntur.

Filius successit VVILHELMVS Quartus, religiosus, pius, optimus, et nullis non ornamentis Heroicis eminentissimus Princeps, nulli maiorū suorum, virtute & pietate secundus, cuius laudes & res gestas saltem attingere velle, alius est loci & instituti.

Tibi autem, VVILHELME Princeps Inclite, tuisq; pijs manibus, memoriam debemus beneficiorum & pietatis tue sempiternam, amiq; in hoc certu linguis & animis gratis prosequimur.



Tu motus pietate & religionis amore, sacris cultibus & studijs, liberalitate & munificentia Heroica, locum hunc, quem pia nunc frequentat iuuentus, vbi quotidie discantium & docentium operæ Deo gratæ, & Ecclesiæ ac Reipublicæ salutares, sunt, & exercentur, & assidue Deo eiusq; Filio Iesu Christo, & Spiritui precum & veritatis sanctissimo, decantantur, sonantq; laudes & preces funduntur: Tu, inquam, asceterion hoc officinam pietatis, sumptibus tuis primum erexisti, studijs & Musarum cultoribus consecrasti, sublatiſq; abusibus terricis & nefandis, ac horribilibus execrandorum Monachorum erroribus, teneræ donasti iuuentuti totiſq; posteritati, vbi eam tum in bonis & honestis moribus, tum liberalibus artibus, tum etiam de Deo, eiusq; Filio sinceriore doctrina, piè erudiri voluisti. Hæc tua cura, hæc vltima voluntas fuit.

*Salve sancte senex, patria Pater, inclyte Princeps.*

Te discantium ora, te docentium calami colere, tuorumq; meritorum memoriam sanctissimam renouare augeret, suisq; posteris traditam cumulatoribus extollere laudibus, nunquam desinent.

*Salve sancte senex, patria Pater, inclyte Princeps.*

Inter generosissimos VVILHELMI Quarti filios, præcipui fuerunt: VVolfgangus gentis suæ & lumen clarissimum, & decus nobilissimum, Heros eximius, vix, proli dolor, terris ostensus, fautor studiorum magnificus, qui Scholæ huius fundamenta & prima initia pro Heroica virtute, & amore erga literas, feliciter posuit.

Boppo item pius, placidus, mitis & natura bonus Princeps: & inter vtrumq; horum medius, GEORGIVS ERNESTVS, optimus, salutaris, necessarius & immortalitate dignissimus Princeps.

De quo quid tristius dici aut cogitari à nobis potest, quam nuper tantum Principem, absq; masculis hæredibus, cum totius interitu Prosapiæ concidisse?

Sed ne dolorem, multorum pectoribus aliàs gravissimum & acerbissimum, grauiorem intempestiua commemoratione nunc efficiam; præsertim cum malum sit eiusmodi, quod nec querelæ nec planctus nec exultans nostris satis deplorare: nec vlla ab hominibus excogitata phar-

maca lenire, multò minus sanare possunt: nos conuertimus potius ad gemitus & preces, arma solius Ecclesiæ, in his terris orphanæ & omnibus præfidijs destitutæ, propria.

Te igitur CHRISTE, patris æterni & omnipotentis, æternæ & omnipotens Fili: qui verbo, Patris è sinu tui, nobis infallibili voce & ore tuo, patefacto promissisti: Ecce vobiscum ego sum omnibus diebus, vsq; ad consummationem seculi: Te rogamus supplices, & animis vocibusq; ardentè inuocamus: sublata prorsus Ethnica pectorum nostrorum dubitatione, certo statuantes, nostras preces exauditum iri: Tu enim seruans promissionum tuarum, & gentis Israeliticæ custos, tu Immanuel: tu Iehoua, tu vitæ bonitq; dator & autor vniuersi: tu orphanorum adiutor & æλεφτης certissimum ac vnicum: Tu nobis in his turbulentissimis temporibus, vbi natura rerum vniuersa præcipitem & tristissimam minitatur ruinam: vbi pietas & cæteræ virtutes animis hominum languescuntibus, nec prisca seculi vigorem amplius retinentibus, sed cum horridiore mundi senio sordescuntibus & squalentibus, frigescunt prorsus, & in glerisq; extinguuntur: Vbi tot crescunt & cumulantur indies inaudita hominum scelera: vbi vitæ communionis & societatis humanæ nulla amplius propemodum honestas, & nihil quam tristis pæritescenda confusio: omniumq; ordinum & honestarum politiarum horrendus & miserabilis imminet interitus: tu igitur quæso nobis squalidæ & senescentis Ecclesiæ tuæ matris afflictiissimæ filijs orphanis, clementer ades, potenter, optulare, & benigniter accende, auge, confirmatq; cum omnium virtutum in nobis amorem: tum autem veræ & sinceræ fidei lucem: dilectionis mutæ, ac humillimæ patientiæ semina semper exuscita, ale, fove vtiacissima ac florentissima, vt latis se fructibus ostendant, tibi gratis & arradentibus, tuæ vero Ecclesiæ salutaribus.

Cumq; te stabiliente & transferente, regna mundi, Danielesse, stabiliantur & transferantur: da nobis quæso, voluntatem & iram tuam in ruinis regnorum considerantibus & cernentibus, salutaris ad te conuersionis initia, roborata & incrementa, eaq; spiritu oris tui illuata, auge, confirma: & salutare Magistratus, quos Ecclesiæ in his terris, quæ tu humanis ex cæteribus verbo sonante colligis, adde & donas pios nutritos, rege, fove, gubernas, conserva. Illustrissimos Principes D. Augustum, Electorem, & D. Fridericum VVilhelmum, & D. Iohannem, Fratres germa-

nos,